



39380

Mag. St. Dr.

I

P

Vita Francisci Xaverii  
vii e Soc. Jesu

Sublimi Typis Coll. S. J.  
1691.

Biblioteka Jagiellońska



stdr0000923

S.

X

IND

A

C

Ad

Typis

V I I A  
S. FRANCISCI  
X A V E R I I

*è Societate IESU*


INDIARUM APOSTOLI,  
AC THAUMATURGI,  
Compendiô descripta :

E T

Ad propagandam in eundem San-  
ctum pietatem recusa.



L V B L I N I,  
Typis, Collegij Societatis IESU, A.D. 1691.



CONCHA  
Maris Indici.

Seu.

39380

Ihr




L  
VI

Gen



riâ, An  
nobili  
Genti  
Regni  
tempo  
clusus  
poner  
calium  
rentur  
aris i  
dis Ch  
ret.



E P I T O M E  
VITÆ S. FRANCISCI  
X A V E R I I,  
CAPUT I.

*Genus, & Nativitas Francisci Xaverij.*

Atus est hic Magnus Orientis A-  
postolus avitâ Regum Navarra,  
& Aragoniæ Stirpe oriundus,  
Patre Joanne, Matre verò Ma-  
riâ, Anno Christi 1497. in Xaverio (unde &  
nobilissima ejus familia nomen accepit)  
Gentilitio, nec procul Pampelonâ disito  
Regni Navarra Castro, & quidem eo ipso  
tempore, quò nauigantibus Europæis re-  
clusus novus Orbis sese aperuerat: itâ di-  
sponente Divinâ Providentiâ, ut ubi mor-  
talium usibus novæ terrarum partes adde-  
rentur, esset etiam, qui annuntiando bar-  
baris illis Gentibus Evangelio, & lucran-  
dis Christo animabus pro virili incumbere-  
ret. Præstanti Adolescens ingenio, poli-

tiore literaturâ excultus, Philosophicâ deinde, ac Theologicâ laureâ decoratus: Philosophiæ Doctor cum esset Parisijs, Di-vo Ichnatio junxit Discipulum, & individuum ad lucra animarum comitem: quô Magistro in tam admirandum evasit divinæ gloriæ propagandæ instrumentum, tantumq; cælestis ignis mutuavit ab Ignatio, quantum ad dissipandas totius Orientis tenebras sufficeret. Huic itaq; operi (quod *omnium divinorum divinissimum* vocat S. Dionysius) dum inscrutabili Dei consilio destinatur Franciscus, simul collatis in unum Spiritus Divini dotibus, & gratijs (quas olim nascente Ecclesiâ in multos dispersas Doctor Gentium Paulus, ad Corinthios cap: 12. scribens, expresserat) mirifice à Deo fuit exornatus; ut idem Apostolus audiret, & Prophetas; doctrinâ abundaret, & virtute; ad hæc gratias sanitatû, & opitulationes; gubernationes animorû, & genera linguarum, liberalissimè à Divino Spiritu communicata possideret.

## C A P U T II.

*S. Xaverius Apostolus.*

**N**on immeritò Apostoli elogium sibi vendicat Xaverius; quippe qui à Christo

sto I  
Paulu  
post  
infer  
univ  
citro  
milli  
eam,  
doctr  
li, si  
(ut l  
mas  
gore  
tum,  
ris p  
sub i  
tunc  
in Ap  
Myr  
buit  
com  
cipe  
non  
orun  
effa  
Gen  
quâ  
dux  
Gre

sto Domino per suum in terris Vicarium  
 Paulum III. cum potestate ac dignitate A-  
 postolici Nunciij, ad Evangelij lucem India  
 inferendam, rite ablegatus, toto decennio  
 universam orientem percurrit; ubi ultro  
 citroq; commendo plus quam centum  
 millibus milliarium emensis, luci restituit  
 eam, quæ jam tenebris pridem obsoleverat,  
 doctrinam Evangelicam D. Thomæ Aposto-  
 li, simulq; fidem præstitit vaticinio, quod  
 (ut habet Indorum traditio) olim S. Tho-  
 mas prædicatum abs se Evangelium in vi-  
 gorem pristinum restituendum prædixerat,  
 tum, cum mare crucem in remotiore litto-  
 ris parte erectam alluere inciperet (id quod  
 sub ingressum Xaverij in Indiam contigit)  
 tunc nimirum ex Europa adventurum sibi  
 in Apostolico docendi munere successorem.  
 Myriadas infidelium isthic fide Christi im-  
 buit, & sacro fonte explavit; quos inter  
 complures Reges, ac Regina, Viriq; Prin-  
 cipes, ac Dynastæ quam plurimi. adeo, ut  
 non solius Florimundi Remundi, sed & ali-  
 orum gravissimorum Virorum constans sit  
 effatum: unâ solius Xaverij operâ plures  
 Gentilium ad Ovile Christi esse adductos,  
 quam omnes Hæresiarchæ simul sumpti ab-  
 duxerint, neq; hoc ex van o; cum etiam  
 Gregorius XV. Anno 1622. Sacrosanctô O-

raculò pronuntiaverit : *unum Xaverium*  
*plures submisisse Ecclesie ; quàm suo Romani ;*  
*Græcique subdiderint Imperio.* In sola Civi-  
 tate Amanguzi, Rege priùs conciliato, su-  
 pra triginta millia : ut Urbe Tolo supra  
 viginti quinque Gentium millia, exiguò  
 temporis spatiò, Deo cæloq, lucrifecit. cõ-  
 plura Ethnicorum delubra, ac fana evertit ;  
 ultra quadraginta idolorum millia (fre-  
 mentibus sæpe per àera dæmonibus) con-  
 fregit ; innumera verò Deo templa excita-  
 vit : in Ora Piscaria quadraginta, in Tra-  
 vancoride viginti ; plura ac plura alibi : su-  
 pra duodecies centena hominum millia,  
 propriâ manu salutaribus undis abluit : in  
 Travancoride unius diei spatiò plùs quàm  
 dena hominum millia, impressò baptisma-  
 li caractere, cælo asseruit ; ut ad eò præ-  
 nimia fatigatione, loquendi usu panè ere-  
 ptò, opus habuerit, qui baptizantis (velut  
 quondam Moysis pro populo orantis) bra-  
 chia sustentarent. Primus Molucensibus,  
 Paraquarijs, Acenensibus, alijsquè ignotis,  
 ac barbaris populis Christum annuntiavit ;  
 primus in Japoniam, sexaginta sex regno-  
 rum amplitudine vastissimâ Insulam, Chri-  
 sti causâ accessit, eiq, fidem invexit : pri-  
 mus in Chinarum portum pro disseminan-  
 da Christi fide, post tot rerum discrimina,

pene-

pen-  
 ctur-  
 ria :  
 res.  
 aliq  
 Sorc  
 alis  
 con  
 Frat  
 ut a  
 dia  
 S. H  
 Ven  
 Fran  
 res,  
 hor  
 stol  
 qua  
 lucu  
 tide  
 ut p  
 osten  
 min  
 qua  
 is v  
 pal  
 lan  
 is g  
 nat



penetravit : ubi Apostolicis laboribus fractum , immensa nihilominus pro Dei gloria adhuc molientem , non animus , sed vires , vitaq; defecere . Et verò Apostolum , aliquando fore Franciscum , germana eius Soror Badesa , eximia pietatis Sanctimonialis Gandia divinitus prævidit ; quando conceptis literis enixe Patrem est obtestata , Fratrem studijs liberalibus , ac Theologicis ut admovent , quòd ille in Apostolum India à Deo destinaretur . Apostolum fore S. Hieronymus , singulari apparitione visus Venetijs & Vincentia , significavit ; cum Francisco Indias , & post decumanos labores , copiosam animarum messem cœlestibus horreis inferendam præmonstraret . Apostolum fore , Deus ipse clarè insinuabat , quando suggestionibus quàm plurimis , & luculentissimis , has Francisco voces identidem ingerebat : *Vas electionis mihi est iste , ut portet nomen meum coram Gentibus : ego ostendam illi , quanta oporteat eum pro nomine meo pati . Stetitq; sua fides visioni , quàm sapius in somnis objecit Deus , dum is videre sibi visus est Indum , flebili prece , palmisque supplicibus à se auxilium postulantem : aliàs verò Æthiopem , humeris suis gravi mole incubantem , quem toto conatu ex loco periculoso ad tutiora , velut*

naufragiō ereptum; ad portum, transportaret. Indiam nimirum hæc signabant, cui, alioquin peritura, opem divinitus tulit, quamq; ex æterno animarum naufragio ereptam, plusquam Herculeis lacertis ac laboribus, ad portum cœlestem transtulit Xaverius. Ut propterea Gregorij XV. hæc fuerit de Xaverio gloriosissima vox:  
*Xaverius nihil minus à magnis fecit  
 Apostolis.*

### C A P U T III.

#### *S. Xaverius Propheta.*

**D**ONO prophetiæ præditum fuisse Xaverium, agnoverunt ij, quibus intima animi sui sensa; occultas dæmonis tentationes; peccata, nullo hominum consciō patrata, & secreta cordium sæpius revelavit: coram quibus res futuras evulgavit; res diffitas, tanquam si præsens adesset, enarravit. Quod in Portugallia Joannes III. Rex in favorem fidei, quod Romæ decernebat Ignatius; hoc eodem prorsus tempore in Indiâ sciebat, mandabat, & exequabatur Franciscus, Ducentis aliquando leucis ab Urbe Malaca, in qua Xaverius eâ ipsâ horâ pro concione dicebat, pugnabatur; ipse tamen

men abruptò sermonis filò, velut ecstati-  
 us, primùm conticuit, tum agonizantis in  
 morem expalluit, deniq; apprehensam  
 Christi crucifixi effigiem brachijs stringens,  
 in hac lacrymabili voce prorupit: *O I E-  
 S V* *Christe!* *Deus cordis mei: obsecro te,*  
*per supremos vitæ cruciatus, nè deseras, quos*  
*Sanguine redemisti!* post quæ, ubi fatigato  
 similis, reclinato capite paulisper quievit;  
 subitò bono animò esse iussit: simulq; inci-  
 piētis, progrediētis, ac fervētis pugne feri-  
 em, ac ipsamdeniq; victoriam, quam duo-  
 centi & triginta Christiani Lusitani, con-  
 tra quinque barbarorum millia (non am-  
 plius tribus suorum desideratis) retulere,  
 examussim suis Auditoribus de suggestu e-  
 narravit: quos illico ferventi oratione ad  
 redēdas Deo gratias accendit; adpro-  
 mittens, post triduum famam de cæsis ho-  
 stibus indubiè advolaturam: eventus dicta  
 confirmavit; quando die tertiâ Malacensiu-  
 um octo naves, spolijs & captivis onustæ,  
 viginti quinque hostilia navigia ad portum  
 appulerunt. Res futuras vaticinò oculò  
 adeò crebrò prævidit, & propheticò ore  
 prænuntiavit; ut passim propheta magis,  
 quàm Xaverius audiret: dicebatq; nonne-  
 mo æquè Sanctus & doctus Spiritum pro-  
 phetiæ apud multos interdum divertisse; at

apud paucos æquè constanter, ac apud Xaverium habitasse. Hinc ruinosa cuidam, maleq; compacta Jacobi Pereira navi prosperum cursum; alteri verò velis remisq; bellè instructa naufragium prædixit: & comprobavit eventus vaticinium; quando illa ad portum feliciter, hæc verò ad scopulum infeliciter appulsa, tabulas sparsit. Prænuntiavit interitum Urbi Tolo; tragicum exitum D. Alvaro de Ataide; Gregorio Alvarez adhuc infanti, futurum sanctū religiosum; Francisco de Rosalas, heroicū Martyrium; Francisco Duci de Aguilar mortem non violentam, sed naturalem, ac suavem; Mercatori ex Meliapore sanitatem, Joanni Duro Socio suo factitatem, æternamq; beatitudinem: verbò, supra quinquaginta majoris momenti vaticinia, per idoneos ac juratos testes, in processu pro ejus canonizatione facto, comperta sunt; ipso eventu firmata; minis notabilibus in censum non vocatis, ut propterea sacra Rituum Congregatio, Alexandro VII approbante, non immeritò edixerit, *Xaverium prophetie spiritu passim afflatum, plurima & locò, & tempore remotissima enuntiasse.*

CAPUT

## CAPUT IV.

### *Xaverius cœlestis doctrine Magister.*

**M**agistrum, non modò laurea Theologica, & Aristoteles cum plausu publico Parisijs explanatus; verùm etiam cœlestis Sapiëntia Doctorem Gentium apud Indos, & Japones testata est Franciscum: ubi palam divinæ Sapiëntiæ ludum aperuit, & legem Christi prælegit Evangelicus Professor: quamvis vias vitæ docenti non temel mortem pro minervali barbari discipuli minitarentur. Acerrimus vindex veritatis: hanc contra Brachmanes Indorum, Imanes Turcorum, & Bonzios Japonum, popas, errorum ac falsitatum rabulas, inspectante, & Francisci doctrinam approbante cum universa aula ipso Rege Bungî, constantem tuebatur; tanta cœlestis sapiëntiæ apud illas Gentes sparsâ famâ, vt gentilis quispiam Anger (postea in baptismo Paulus) nuncupatus, ad audienda Apostolici huius Doctoris dogmata, sex millia stadiorum peragrare non dubitaverit. Testantur cœlestem Doctoris huius sapiëntiam exaggeratæ Sanctitatis Discipuli, Gaspar Barzaeus in Armuziam; Cosmus Turrianus in Japoniam; Alphonsus Cypriani in Me-

A 6

liapo-

10  
liaporem; Nicolaus Lancelotus in Ceilan; Melchior Gondesalvus in Bazain; Ludovicus Mendez in Oran, Piscariam. Antonius Criminalis ( primus postea è Societate Martyr ) in Comorinum ablegati: quos omnes in Ignatianæ Virtutis palæstra ad conversionem Gentium tam feliciter formavit Xaverius; ut inter Judæos, Mahometanos, ac Gētiles, in famosissimos fidei evaserint Magistros, & idololatricā superstitione debellarā, innumerabiles Christo animas addiderint. Ut adeò etiam adolescentuli, quos fidei Christianæ rudimentis imbuebat Xaverius, continuò tantùm non ex infantibus Concionatores effecti, docerent aliòs, quod ipsi didicissent: quin & ad patranda miracula, persanandos ægros, deturbanda Idola, expellendosq; è corporibus humanis dæmones, solo freti Xaverij rosariò, evolarent. ut non rarò novellæ illæ plantulæ, & prima florescentis Christianitatis germina, ad Magistrum suum Franciscum cum exultatione reverterentur, & exclamarent. ut olim ad Christum Apostoli: *ecce in nomine tuo, etiam demonia subijciuntur nobis.* Erat videre cum tenerrimo animi sensu, imò cum dulcissimis lacrymis, quanto fervore ac zelò hi parvuli Angeli annosos & decrepitos senes deduce-

rent

rent ad Franciscum, ut hōc Doctōre viam, ad cælum perdiscerent, qui jam cum canis suis tendebant ad inferos. Ut taceam, plus quàm sexcentorum invictissimorum Mârtyrum luculentam cōstantiam, in insulis Manarijs; & propemodum infinitorum in regno Japoniæ: Ceilan, ac reliquo Oriente, qui Magist୍ରō Xaveriō Christianæ fidei dogmata sanguine suo consignârunt, & tutati sunt.

## C A P U T V.

*Quantum Dei & proximi amore passus*

*S. Xaverius.*

**V**irtutum dona, quibus anima justī in thronum Deo dignum adornatur, in Francisco fuere penitus admiranda. Nota est universo mundo ardentissima eius charitas, quâ in Deum, velut in centrum, suum unice ferebatur, illud Divi Augustini continuè usurpans: *Fecisti nos Domine ad te, & inquietum est cor nostrum, donec requiescat in te.* Et illud Apostolorum Principis: *Tu scis, Domine, quia amo te.* Ex quo amore profectum est, quod omni sui curâ posthabitâ, & contemptō quovis sui dispendiō, inter adversa, quæ Dei, & salutis animarum causâ, passurum se divinitus acce-

12  
acceptit: *amplius Domine! amplius!* ex-  
clamaret, cœlestibus, verò consolationi-  
bus cum adeo afflueret, ut illis sustinendis  
imparem se animadverteret, diductâ veste,  
flammisque ex nudato pectore, veluti ex  
foco divini amoris erumpentibus: *Satis est*  
*Domine, Satis est!* ingeminaret: solo scili-  
cet amore divinò contentus ac beatus; Deo  
placuisse, illiusq; divinissimum cor exhila-  
râsse, pro omnibus illi erat præmijs. Ar-  
dentissimam hanc in Dei in charitatem, i-  
pſius Dei causâ liberaliter in proximum  
derivabat, nullis unquam incommodis in  
procurandâ animarum salute fractus, aut  
absterritus; imò hæc unica ipsius erant de-  
licia: unde lib: 5. Epist: 10. ad P. Simonē  
Rodericum ita scribit Cocinò: *Non est ali-*  
*us fructus animi major in hac arumosa vi-*  
*ta, quam vivere in magnis moriendi pericu-*  
*lis; quorum adeundorum unica & vera cau-*  
*sa fuerit solus Dei amor; & ei gratificandi,*  
*dilatandæque nostræ sanctæ religionis sincerū*  
*studium. Subsivius, mihi crede, homini est, in*  
*hisce laboribus versari; quàm sine illis paca-*  
*tè, & otiose quiescere. Otij igitur & quie-*  
*tis osor maximus, percurrebat Orientem,*  
*nudipes (ô vere nuntium Apôstolicum!)*  
*relictis post se non rarò, ex veprium stimu-*  
*lis, & asperis viarum offendiculis, cruentis*  
*vesti-*



ex  
oni-  
ndis  
este,  
i ex  
is est  
cili-  
Deo  
mila-  
Ar-  
, i-  
um  
s in  
aut  
de-  
onē  
ali-  
bi-  
icu-  
cau-  
ndi,  
cerū  
, in  
aca-  
nie-  
m  
(1)  
nu-  
ntis  
ti-

vestigijs ; bajulus ipse Sacerdotium appa-  
ramentorum ; ac librorum divinatorum, de-  
latō secum modicō Oryzæ, quod fesso ac  
famenti Christi militi in annonam deservi-  
ret. *Similis factus homini negotiatori, que-  
renti bonas animarum margaritas.* Merca-  
tori Ethnico aliquando se in pedisequum  
obtulit, jumentum illius instar equisonis  
curando ; nullā aliā mercede, quā ut eo  
duce Meacum, Japoniæ Metropolim, præ-  
dicandi Evangelij causā, penetrare liceret :  
quem si pedes assequi non vāleret, nonnun-  
quam ad equi caudam manibus appensus  
( seu rueret in terram, seu erigeretur ) per  
spinas & sentes, indefatigabilis sequebatur.  
Maritima itinera obibat tempestates inter,  
ac naufragia, ter omnino demersus, tan-  
tūm non submersus ; quippe cui sub aquis  
tota navis incumberet : aliās in naufragio  
arreptā tabulā, tribus diebus ac noctibus  
cum feris fluctibus colluctatus, tandem vix  
semivivus, littus attigit. Indiam petitu-  
rus, exortā tempestate, quā mercatores, ut  
vitam redimerent, omnibus mercibus in-  
mare ejectis, navim jam jam subsidentem,  
alleviare coacti sunt, quæ mens Francisco  
fuerit, ipsemet Epist: 6. Romam deinde,  
perscripsit : *Tunc, inquit, suppliciter Chri-  
stum orabam, ne me ex illo periculo eriperet,*  
*nisi*

*nisi ad parias; aut etiam graviora, sui obsequij, glorieque causâ. reservaret.* Undiq; oppugnatus, afflictionibus, morbis, rerum omnium egestate, inter continua vitæ pericula grassante peste, & pestilentioribus hominibus, exporrectam semper, ac serenam mentem ad Deum habebat. impugnabant Dei servum Gentiles, invadebant pyræ, & latrones; calumniabantur falsi fratres, & fidei desertores; ipsi adeo dæmones omnes in eum furias è tartaro evocavere, Deo servi sui virtutem exercente: dæmones infandis suggestionibus, & sæpe inflctis verberibus crudeles; falsi fratres calumnijs innocentissimi Viri famam lacerantes; latrones intentatâ morte formidandi; Gentiles lapidibus, quandoque & sagittis prætereuntem impetentes; sanguinem ejus sitientes, vitæque non semel propinatò venenò insidiantes. In aula Regis Amanguzij pro stulto habitus, exhibilatus, consputus, lutò ac sordibus conspurcatus; jam jam occidendus traditus latronibus; quos tamen formidanda tempestas, repentè divinitus immissa, à facinore absterruit. In insula Moro, à barbaris incolis lapidandus flamè versùs se recepit; ubi (adjuvante Deo, servi sui protectore) ingentem trabem levis ad instar arundinis, manu sublatam, aquis superstravit; sicq; per extemporaneum pō-

tem,  
 evasi  
 Barb  
 Deo  
 ret,  
 cont  
 se ar  
 vana  
 es co  
 Sacri  
 Con  
 ac ca  
 tos i  
 coro  
 acies  
 acri  
 repr  
 miss  
 navi  
 fran  
 infan  
 lam  
 prox  
 & i  
 ubi  
 non  
 tota  
 illu  
 Ch  
 ut a

tem, transitô flumine, faxeam grandinem,  
 evasit, attonitis, neque insequi audentibus,  
 Barbaris. Sæpius nihilominus vita pro  
 Deo fundendæ prodigus, hostibus, si lice-  
 ret, occisuris occurrit intrepidus. Quoties  
 contagiosâ lue infectis servivit? quoties in  
 se armatos lapidibus ac sagittis Gentiles de  
 vana superstitione zelosè increpuit? quoties  
 contemptâ inspectantium Regulorum &  
 Sacrificulorum ultricè furiâ idola subvertit?  
 Contra exercitum Badagarum, qui irarum  
 ac cædis plenus, torrentis more in Neophy-  
 tos irruēbat, unus Franciscus, solâ armatus  
 corollâ precatoriâ: ante suorum Lusitanorū  
 aciem stetit, hostemque furiâ temulentum,  
 acri obtutu, & potenti sermone perculit,  
 repressit, & in fugam convertit. Trans-  
 missurus in Japoniam exiguæ & malè sartæ  
 naviculæ animam suam credidit; non ob-  
 stantibus undequaque itinerantium cæde,  
 infamibus pyratis: quemadmodum & insu-  
 lam Moro, devorandis peregrinis assuetam,  
 proximi juvandi causâ imperterritus adiit;  
 & in Chinarum continentem penetravit,  
 ubi mortem sibi venturo omnino decretam  
 non ignorabat. Itâ Deus, & Proximus  
 totam sibi vendicabat charitatem Xaverij,  
 illud semper præ oculis habentis effatum,  
 Chtisti: *majorem charitatem nemo habet,  
 ut animam suam ponat quis pro amicis suis.*

## CAPUT VI.

S. Xaverij humilitas, suiq; mortificandi  
studium.

**C**haritati Xaverianæ individua comes  
 jungebatur humilitas; sub cuius magi-  
 sterio ita profecit docilis discipulus Xaveri-  
 us, ut sese omnium hominum nequissimum  
 crederet, & palam profiteretur, ita enim  
 Epist. 6. Romam datâ de se scribit: *me sa-  
 nè pudet nequissimum omnium mortalium in  
 ultimo discrimine* ( loquitur de periculosissi-  
 ma tempestate ) *præ cælesti letitia tantam  
 lacrymarum vim profudisse?* Hujus virtutis  
 ductu, seipso contempto, & laudabiliter  
 immemor suæ avitæ nobilitatis, à Regibus  
 Navarræ profectæ, collatæque sibi in fidei  
 promovendæ favorem dignitatis Legati A-  
 postolici, ad genua, & deosculandas cujus-  
 cunque Sacerdotis manus reverenter acci-  
 debat; omnium se postremum sentiens, o-  
 mnium pedibus calcari, pro Deo, expen-  
 sans: terrâ & mari, Xenodochiò & itinere:  
 nemo erat tam abjectus, cui ipse pri-  
 mus non ministraret. curabat jumenta &  
 ægros; verrebat istorum habitacula, sterne-  
 bat lectos, emendicatos cibos coquebat ip-  
 se, & eorum ori ingerebat, morientibus  
 consolator adstabat, ad sanctè moriendum  
 dispone-

disponebat; mortuos denique sepeliebat, verbò, medicò ijs erat & mediastinus. ipsam adeò ulcerosorum sanie aggressus eò ardore sui que victoriã, ut dum more suo alterius ulcus abstergeret, defluens inde tabum generosè exfluxerit; alias verò putrescentè sanie ab eluto ulcere manantem ebiberit in sanitatem ulcerosi, quam iste sibi continuo sensit divinitus impertitam. Reliqua admiranda demissi animi, ceterarumque virtutum exempla, proposita nobis brevitatis silentiò cogit premere. Illud obiter addendum, quod sacra Rituum Congregatio approbavit, & Lectionibus Officij de S. Xaverio inferi mandavit, Alexander VII. *Franciscum interditiò sibi non carnis solum, & vini, sed panis quoque triticei usu, vilius cibis (quales expetit humilitas) vesci solitus, per biduum subinde, triduumque omnino prorsus alimento abstinebat. ferreis in se flagellis ita sæviebat, ut sæpe copioso cruore difflueret: somnum brevissimum humi jacens carpebat, duro saxo aut funibus nauticis interdum capiti substratis: cujus creberrimæ inter dormiendum aspirationes erant: O JESU mi JESU! dulcis JESU! ô Creator mi! ut dubitares, plusnè oraret, an dormiret? dicere certè poterat illud Canticoꝝ: Ego dormio, & cor meum vigilat.*

CAPUT

## CAPUT VII.

S. Xaverij prodigiosa potestas in omnia  
elementa.

Quod si jam virtutum Apostolicarum nomine prodigia patrata intelligas; calamus, & lingua narrantem deficiet. Illud compendiosè dixerim de Xaverio, quod Philo de Moysè: *Omnia elementa obediebant ei.* Obediebat Ignis; quando ad crucis signū & vocē Xaverij domorū incendia modò extincta, modò ulterius serpere sunt prohibita. Obedivit aër, quando venti ad eius impèrium nunc quiescere, nunc ad propellendam secundis flatibus classem vocati, assurgere sunt coacti: quando rebellem Christiano, & Lusitanis Civitatem Tolo, immissa cælitus lapidum, ac cinerum grandine, atque exinde repletis vallis, attritisq; aggeribus coëgit per deditiōem in obsidentium Christianorum vota descendere: quando sacrum ejus corpus infectum peste aërem, odore suo perpurgavit. Obedivit aqua; quando ad Xaverij imperium mare tumentes fluctus confregit, & sedatis tempestatibus sua Neptuno rediēre alcedonia: quando tantum aquæ marinæ solo crucis signò, sublatâ sulfugine convertit in dulcem, quantum quingentis Vectoribus, siti penè

jama

jam ad mortem adactis, diu suffecit ad de-  
 licias. quando denique piscatores, post im-  
 probos frustraneosque labores, abitum præ  
 desperatione jam parantes, sua retia denuo  
 jussit laxare in capturam, conclusâ ingenti  
 multitudine piscium. Obediuit quoque,  
 t. JI. Xaverio Terra; quando ad ejus imperium  
 quod immanè quantum debiscens atq; contremi-  
 scens, fragore suo sceleratos ad pœnitenti-  
 am, & obstinatos Gentiles ad exuendam  
 perfidiam salubriter concussit. Amplius  
 autem in corpore suo terreo admirandus  
 est Franciscus, quod pluribus à terra cubi-  
 tis in sublime quandoque apparuit, id quod  
 illi sacrificanti coram populi multitudine ali-  
 quories evenit: quod stimulis concupiscen-  
 tiæ carnalis omnino immune (inter illos  
 præsertim nudos, ac bestiales homines)  
 perpetuò virginitatis flore intaminatum  
 viruit; quod inter tot arumnas, verbera,  
 insidias, pestes, ac venena, semper inoffen-  
 sum valuit; & post mortem penitus vsque  
 ad hunc diem mansit incorruptum. Vir-  
 ginitati, per omnem vitam à Xaverio ser-  
 vata, hæc fuit prærogativa; cujus amore  
 non tantum vigil ab omni impuritatis um-  
 bra quam vehementissimè semper abhorru-  
 it, verum etiam dormiens, cum ei fortè  
 turpe phantasma sopor obijceret, usque ad  
 sangu-

sanguinis, è naribus erumpentis profluvium, pro tuenda castitate repugnavit; & vel suo virgineo sanguine impudenti Veneri ruborem incussit. Sed & in bruitas animantes imperium exercebat Xaverius; quando in littore oranti, Christi crucifixi signum (quod quadraginta ab inde leucis, ad sedandam tempestatem in mare projecerat) obsequiosus cancer retulit, acceptaque benedictione maris profundum rursus repetijt.

Exercebat deniq; Franciscus imperium in daemones, quos ex obsessis corporibus expellebat, quotquot occurrerent: qui etiam, dum Vir Dei Insulam Moro primum, pro concione alloqueretur, eiq; Christum annuntiaret; concussa & in hiatus disrupta terra, flammaram instar, visibili specie evolantes inconditis ejulationibus, ac rugitibus fugari se vociferabantur, auditi etiam à Gentilibus per aërem clamare: *Tu nos peruris Francisce! tu nos è regno nostro pellis.*

## C A P U T VIII.

*S* Xaverius agrorum medicus, & mortuorum suscitator.

**S**ed neque defuit Francisco prerogativa, conferendæ sanitatis. Fuit è Socijs vnus, quem cum morte jam luctantem, cereoque mortu-

mor  
ingr  
Solo  
Fuit  
ris h  
exfil  
ablu  
laca  
mira  
tant  
rece  
labo  
Fate  
di,  
posse  
clau  
ipse  
gula  
fugg  
ptun  
buta  
umb  
Dabi  
Fran  
chia  
mira  
me c  
curab  
dicis  
Bisui



mortuali in manibus ardente sibi met ad  
 ingrediendum aternitatis iter pralucentē,  
 solo amplexu continuo sanitati restituit.  
 Fuit alius lethaliter vulneratus, qui hume-  
 ris Francisci impositus, subito incolumis  
 exsiliit. Fuit leprosus, cui simul ac eum,  
 abluir, lepram & ulcus absterxit. Fuit Ma-  
 lacæ Episcopus, qui ducturus ad calculum  
 miracula sanitarum à Xaverio redditarum,  
 tantum in sua Dicecesi, octingentis subito  
 recensitis, destitit; quod animadverteret  
 laborem suum imparem fore tantæ copix.  
 Fatentur id cæci, quibus visum; & clau-  
 di, quibus gressum reddidit; ut dicere  
 posset cum Jobo: *Oculus fui cæco, & pes  
 claudo.* Fatetur India, ubi non modò  
 ipse, sed & ejusdem sacri crines, cin-  
 gula, flagella, rosarium, chirographum,  
 suggestus, oleum ex ejus lampade desum-  
 ptum; imò & aqua, ejus Numismate im-  
 buta: & quod amplius est, ipsius etiam  
 umbra, innumerabiles ægrotos persanavit.  
 Dabit ipsemet gloriam Deo, & fatebitur  
 Franciscus, qui ubi funibus cilicinis bra-  
 chia, & costas (ardore se mortificandi ad-  
 mirando potius, quàm imitando) arctissi-  
 mē constrinxisset, exindéque periculò, & in-  
 curabili vulnere laboraret, desertus à Me-  
 dicis, oratione factâ, seipsum momentò re-  
 stituit valetudini.

Verum

Verum quid in sanitate tot agris reddibili, a  
 ta hæremus attoniti? quin potius mortuos aqu  
 ad vitam à Xaverio resuscitados obstupesciMatte  
 mus? quorum certè tantus est numerus, ut nigia f  
 ad certos calculos necdum omnino potue lora  
 rit revocari, quos ille partim jam ad tumu ua pr  
 lum deferendos, partim jam dies aliquot in is eu  
 terram defossos, vivæ restituit. Reduxit in ni I  
 lucem Servus DEI miracula jam olim ascens  
 Christo Domino patrata; quando Regulus alium  
 quispiam gentilis Xaverio supplex factus, sum  
 rogabat, in domum suam ut descenderet, rrent  
 vitamque filiolæ demortuæ restitueret: cui bus  
 Xaverius: *abi in domum tuam; filia tua vi* ut ho  
*bit. discessit hoc tam sicco responso subof* fentic  
 fensus Regulus; sed mox ab obvio famuli ortu  
 tio de restituta vivis filia recreatus, mira- juran  
 culum ubique deprædicavit. Expostulabat endo  
 alia nobilis Matrona confidenter cum Frã ère  
 cisco, velut quondam Martha cum IESU am t  
*Pater, si fuisses hic, filia mea non fuisset mor* ut pro  
*tua, cui ille: confide, filia tua & vii.* at illa sanct  
 replicans: *& qui (inquit) hoc fieri potest,* ator  
*cùm jam triduo sit sepulta?* sed fidem dicto s, mo  
 fecit Franciscus, quando deductus ad se- S. X  
 pulchrum, apertò tumultò, redivivam Ma-  
 tri filiolum restituit; Spectatoribus hujus  
 prodigij præ gaudio & stupore tantum non  
 exanimatis. Combaturi, Oppido non igno-  
 bili,

eddibili, adolescentulus in puteum prolapsus,  
 rtuos aquis hauſtus, jam jam humandus erat,  
 peſciMatte verò à Francisco, de quo tanta pro-  
 us, ut ſigia inaudierat, cum lacrymis opem im-  
 otue-ſorante Vir Dei coram ſarcophago in ge-  
 umu-ua provolutus, apprehenſâ puerili manu,  
 ot in-ſis eum verbis compellavit: *in nomine Do-*  
 xit in-*ni IESU Chriſti,urge!* illico reſedit ado-  
 lim-ſcens, qui fuerat mortuus ac ſurrexit,  
 gulus-ſium pridie ſepultum, è tumulo erui  
 ctus-ſſum ſuſcitavit: duos item alios, dum ef-  
 deret-ſrentur, apprehenſâ eorum manu, paren-  
 e- cui-ſbus è feretro vivos reſtituit. Verbò,  
 a ſi-ſunt homines omni fide digniſſimi, qui au-  
 ubo-ſpenticis narrationibus viginti quinque  
 multi-ſortuos à Xaverio ad vitam revocatos ju-  
 mira-ſjurando conſeſtati ſunt. Quò tam ſtu-  
 labar-ſendò in jura naturæ imperio uſque adeo  
 n Frã-ſere attoniti quidam Gentium, ut  
 ESU-ſim tremore coram Francisco in genua  
 mor-ſnt provoluti, illum pro Deo adoraturi; ni-  
 at illa-ſancti Viri, hominem ſe, & quidem pec-  
 poteſt-ſtorem, veri tamen Dei ſervum profiten-  
 dicto-ſ,modestia prohibuiſſet.

CAPUT IX

*S. Xaverius in mari periclitantium  
 Patronus.*


Poſtolicis gratijs meritò D. Paulus ad-  
 numerat *Opitulationes*, ſeu auxilium

B

ardent.

ardenter advolans in proximorum subsidia ad  
 Omnis porrò Xaverij vita in hunc unicum me  
 scopum collimavit, ac desudavit; quam Gen  
 (ut fileam domum, parentelam, patriam qui  
 consanguineos, amicos, & totam denique qu  
 Europam, quæ omnia impellente anima dup  
 zelò deseruit) totam ipse subsidio vel igni vim  
 rantium & peccatorum, vel pauperum um  
 oppressorum, vel ægrotorum, & peric mat  
 rantium plenè consecraverat: adeò, ut cu imm  
 adesse singulorum necessitatibus ubiq; merat  
 posset, divinò in munere mortalibus alioq; Fra  
 inconcessò, sæpe uno eodemque tempor allif  
 pluribus in locis ( & ut ajunt Philosophi bifa  
*replicatus*) visibiliter comparens, omniu cere  
 suam opem implorantium, calamitati su Cun  
 levandæ occurreret. Prociù absens cent  
 quodam naufrago invocatus, momenæ lo  
 præsentem se stitit, totòq; triduo nata imp  
 adstetit, donec consumptis cæteris naufragij  
 gis, unicus ille tabulæ beneficiò desideris :  
 portum salvus contingeret. eòdem portu & fl  
 tò decem alijs in malè compacta, & de cia.  
 zeritu periclitante navicula invocatus, gant  
 pentè præsens, adfuit, salvòsq; è manife ar  
 periculo eduxit. Cuius rei famâ divul  
 rà longe plus spei capiebant nautæ ex la  
 ris ac ruinosis navigijs, quibus præsens  
 foret Xaverius, quam ex integris, omni ad

ad navigandum apparatu bellè instructis :  
 mercimonia magnò ære persolutò, etiam à  
 Gentilibus in eas naves comportabantur,  
 quibus vehebatur Xaverius : imò Mercator  
 quispiam Mahometanus in lucro reposuit,  
 duplicato naulò, eam pro suis mercibus na-  
 vim conduxisse in qua vehi noverat Xaveri-  
 um. Sacra demortui Apostoli ipsana malè  
 materiata navis fortè deferebat, jamq; ab  
 imminente scopulo grandis metus incubu-  
 erat ; cùm ecce inclamatus à Navarchis  
 Franciscus effecit, ut non navis ad scopulū  
 allisa ; sed, quod stupendum, scopulus ipse  
 bifariam diffractus, securum transitum fa-  
 ceret navi, tam sacris mercibus onusta.  
 Cùmque sacrum ipsius brachium, quo tot  
 centena hominum millia per baptismum  
 exlo initiavit, Goà Romam deveheretur,  
 implacabilibus tempestuosum mare exarsit  
 furijs, rebus jam penè omnibus conclama-  
 tis : ad invocationem tamen Xaverij verti,  
 & fluctus posnere, suâque mari redijt mala-  
 cia. Quò factum, ut etiamnum à navi-  
 gantibus non modò Christianis, verum eti-  
 am idololatriis, pro Cynosura, & Pa-  
 trono maris suspici cœperit.



## CAPUT X.

### *Sanctus Xaverius Patronus peste infectorum.*

**T**rafatis miraculis, ad Dei majorem gloriam, Sanctiq; Xaverij honorem, addi possunt sequentia, jure tantò maiore, quantum sunt recentiora: nè quis existimet, virtutem prodigiorum operatricem, tractu temporis, in Xaverio defecisse. Potam (Urbs est Calabriae in Italia sita) novissimis hisce temporibus Thaumaturgus non ster innumeris coepit coruscare prodigijs quorum notabiliora ducenta & quadraginta duo, idoneis ac juratis testibus rite firmata, ab Ecclesiastico foro illic recognita conscripta, & proprio motu pro ampliatione Sancti hujus honore typis vulgata, non per vidimus, & cum admiratione legimus. Narratur ibi iusto volumine, qualiter Dominus Xaverius imploratus, omnis generis agris, à pestilenti febre, lepra, cancrena, pilepsia, cecitate, paralyfi, apostematibus sanguinis profluvio, & id genus alijs periculosis morbis oppressis, malo licet jam per complures annos radicato, & iterato, medicam manum coelitus attulerit qualiter non pauci, quos jam supremus ergo ad vitam mortisq; confinia deduxerat

quid  
me  
rar  
li  
de  
sup  
cas,  
cita  
lò  
gris  
rum  
lan  
agr  
fam  
p  
dam  
adi  
null  
fere  
ta  
cent  
alia  
qua  
pest  
su  
fin  
mer  
veri  
nive

quin

quin & è vivis sustulerat, sibi suisq; incolu-  
 mes sint redditi; posteaquam plurium ho-  
 rarum, imò etiam trium, quatuor, nonnul-  
 li quoq; sex dierum spatiò inter vivos esse  
 defierant. quòdq; omnem admirationem  
 superat, etiàm jumenta, & altilia, ut vac-  
 cas, gallinas, &c. idem Sanctus, pià simpli-  
 citate invocatus, sapius viræ restituit. Ma-  
 lô geniò obsessos liberavi; quibusdam a-  
 gris spectabilem sese de cœlis præbuit, re-  
 rum divinarum narrationibus eos conso-  
 lando; manu propriâ sudorem detergendo;  
 agra membra cōrectando, & ad miraculo-  
 sam suam Imaginem in Ecclesia Potamien-  
 si publicæ venerationi expositam, invisen-  
 dam, pièque colendam; conceptaque vota  
 adimplenda, comiter est adhortatus: non-  
 nullos alios suaviter increpans, quòd se de-  
 ferendo auxilio non interpellâssent. No-  
 ta est, & ubiq; gentium decantata Mala-  
 censium, Parmensium, Neapolitanorum,  
 aliarumq; nobilissimarum Urbium devotio,  
 quâ ob sedatam ejus patrociniò atrocissimâ  
 pestem, in Patronum publico cum applau-  
 su sibi delegere Xaverium. Nota est Ju-  
 stissimi Cæsaris Ferdinandi III. (Augusti-  
 mem:) eximia pietas, qui S. Francisci Xa-  
 verij diem indictis publicis honoribus ab u-  
 niversa Aula celebrari voluit, ut eum Tute-

larem mereretur : sciebat nimirum sacra-  
 tissimus Imperator, *S. Xaverium*, etiam ex  
 effato Gregorij XV. *esse Christiani Imperij*  
*Propugnatorē*. Certē paucis abhinc annis  
 Græcij Styrorum, cū grassante peste sacra  
 D. Xaverij Icon publico cultui in templo  
 RR. Patrum Societ: JESV exponeretur ; ab  
 illa ipsa expositionis die ( quod benè obser-  
 vandum ) nulla omninò amplius persona  
 atroci hoc malo est afflata. In cujus reus,  
 memoriam, simulq; ob semper continuatand  
 hucusque nova prodigia, Templo suo ex-ve in  
 traordinarium, & perelegans Sacellum, regin  
 sancto huic Sospitatorī addidēre præfati Pa  
 tres ; ut populi devotioni aliquatenus fie-  
 ret satis. Quid Roma debeat suo Opitu  
 latorī Xaverio, fatetur ipsa sparsis per un  
 versam Europam S. Xaverij Iconibus æ  
 incisis ; quē nuper grassante inibi pestifer  
 lue, centenos, ac centenos ab interitu pro-  
 digiosè vindicavit. Cujus proinde honori  
 Templo & Aræ complures passim excitant  
 tur ; & Icones novis ac novis semper mira  
 culis illustres, indies pinguntur, æriq; inci-  
 sa excuduntur, non sine reciprocis, ac ma-  
 nifestis gratijs, quas Deus honorem Serv  
 sui promoventibus liberaliter reponere  
 consuevit.



## CAPUT XI.

*Quæ Principum, Regum, ac Pontificum  
de S. Xaverio existimatio?*

**M**agnum est, inquit Cornelius Tac:  
regere urbes, ac provincias: sed majus a-  
; abrimis imperare Et Curtius de Alexand: Plus,  
bfer inquit. Laudo Imperatorē animorum; quàm  
ona regnorum. Enituit hoc imperio Xaveri-  
s reus, in quo mira quædam potestas guber-  
nuatnandi, ac flectendi mortalium animos; si-  
o ex ve in communi vita cum populo, sive in  
m, regimine cum Socijs, sive in alloquio cum  
ti Pa Ecclesiasticis, Principibus, ac Regibus ver-  
s fie saretur. Quapropter ad clavum universæ  
pitu Societatis destinabatur ab Ignatio. Pau-  
uni lus III. Pont: Max: Xaverij adhuc viventis  
s æ sanctitatem mirificè suspiciebat. Marcel-  
tifer lus II. desiderio videndi hominem, famã  
pro miraculorum, & tot Gentium conversione  
nori, vsq; adeò celebrem, ex Indijs Romam ad-  
ritan tempus revocare decreverat. Paulus V.  
mira multis & eximijs virtutum, gratiarum &  
inci miraculorum donis à Deo illustratum prædi-  
e ma cabat. Rex Lusitaniæ Joannes III (cu-  
Serv jus molimine Indias intrârat Franciscus)  
ere illius nutum pro imperio venerabatur; e-  
úmque nunc Angelum, nunc Sanctum Dei  
compellabat. Rex Amanguzij, & Rex Bun-

gi ( qui cum baptismo etiam Francisci no-  
 men à Xaverio sibi imponi voluit ) velu-  
 incarnatum Deum, oracula fundentem,  
 suspiciebant. Rex Travancoridis publico  
 edictò sanxerat, ut regnicolæ *Magno Patre*  
 ( sic Franciscum vocabat ) non secùs ac si  
 bi magno Regi in omnibus obtemperarent  
 cuius honori etiam deinde Ecclesiam con-  
 didit, ac regali munificentia dotavit. Re-  
 Tanoridis & Regina Ternatena dicentem  
 pro concione Xaverium audire avidè des-  
 derabat : felicior in hoc Rex ipse & Prin-  
 cepe de Firando, ac alij, qui sacrà illius e-  
 loquentia permoti, calcatis idolis, man-  
 Christo dedere, suòque exemplo multa sub-  
 ditorum millia fidei Catholicæ addidere  
 Verbo ; præsens, absensq; singulorum cor-  
 da velut cerea, partes in omnes flectebat  
 ut proinde etiam Gentiles ejus honori Te-  
 plum excitârint Cotadæ : in quo admiran-  
 dum illud accidit, quòd, cum à petulantibus,  
 & malevolis pro sublato oleo aqua in-  
 fusa fuisset lampadibus, aqua non secus  
 quàm oleum ardere perrexerit : imò cum  
 aquam ipsam, & lychnos sacrilegi illi ma-  
 tarent ; lychni arcanâ quâdam vi reaccen-  
 debantur. Simile ferè deinde accidit Goa  
 ad Sancti sepulchrum, ubi trispithamalica  
 caudela continuos octodecim dies, ac no-

des indefectibiliter arsit. Quid demum  
 in omni animorum regimine majus, quàm  
 totos armatos barbarorum exercitus, seve-  
 rô superciliò, & gravi oratione in metum  
 ac fugam agere? egit (uti quondam Leo  
 Pontifex) Xaverius. Ut adeò cum Psalte  
 Regio pro tessera usurpare potuerit illud:  
*si consistant aduersum me castra, non timebit  
 cor meum: quoniam tu mecum es.*

## C A P U T XII.

### S Xaverius donò linguarum præditus.

I Nter cætera Divini Spiritûs dona, non  
 postremum ponit D. Paulus *Genera lin-  
 guarum.* Quàm verò hoc linguarum do-  
 nò illustris fuerit Xaverius, novit India,  
 obstupuit Japonia. Centum diversis idio-  
 matis (quotum triginta difficillima, &  
 maximopere inter se dissidentia) loqueba-  
 tur Oriens; totidem linguis Deò propitio  
 respondebat, & colloquebatur Xaverius,  
 neq; hic sistebat profusa Dei gratia: sed,  
 quandoq; unico idiomate ad diversas gen-  
 tes concionantem, unaquæque suâ linguâ  
 loquentem audivit. Ad multorum item  
 difficillimas, ac dissimillimas quæstiones u-  
 nicâ responsione simul omnibus satisfacie-  
 bat. Ita de Xaverio processus, authorita-

te Ecclesiasticâ instituti : ita referunt quadraginta præclarissimi Scriptores, Cardinales, Episcopi, Canonici & Civilis Juris Doctores : quorum multi præterea addunt, ex tot admirabilibus rebus gestis id consecutum esse Xaverium, ut tandem non Franciscus, sed modò Angeli, modò Prophetæ, modò magni Patris, modò mortuorum resuscitatoris, modò Sancti, modò Apostoli nomine compellaretur. Tot tamen inter gloriosos titulos, ex unanimi totius Christiani Orbis consensu, Summorum etiam Pontificum suffragio, & approbatione, primas obtinuit elogium *Indiarum Apostoli*. Quod hodièque omnium ore salutatur S. Franciscus Xaverius. Neq; immeritò ; namque ut suprâ Gregor: XV. *nihil minùs a magnis fecit Apostolis*.

## CAPUT XIII.

S. Xaverij minima de seipso, maxima  
S. Ignatio opinio.

**P**lacuit hoc Caput attexere, tum ut hinc millimè Xaverij minima de se opinio sparsim insinuata, ampliùs innotescat; tum etiam, ut omnes intelligant, quantus Sanctus sit Ignatius, quem charissimus eius Filius Xaverius, tantis à Deo illustratus gr

tij,

qua  
 lina  
 Do  
 t, ex  
 cuti  
 cisci  
 modo  
 scita  
 nomi  
 glori  
 stian  
 ontifi  
 as ob  
 Quo  
 ranci  
 nque  
 magn  
 na  
 ut h  
 pini  
 t; tu  
 as Sa  
 eius  
 as gr  
 tiji,

tiji, tanti æstimavit. Eâ igitur in Ignati-  
 um observantiâ erat Xaverius, ut minimus  
 ejus nutus pro maximo præcepto fuerit Xa-  
 verio : hinc ad unicam literam I. sibi ab I-  
 gnatio scriptam, ex ultimo Oriente, per  
 tot millena milliaria, & longè plura viarū  
 discrimina, ex tam fœcundâ animarum  
 messe, quâ nihil in mundo optatius esse po-  
 terat Xaverio, in Europam redire paratissi-  
 mus erat ; non ignarus : *meliorem esse obe-*  
*dientiam, quam v. timsam.* Hinc ad P. Si-  
 monem Rodericum aliquando Romam ita  
 scripsit : *Quod attinet tuam in has oras*  
*professionem, si id possent vires tue, ultrò te*  
*invitarem, multumque rogarem ; si tamen id*  
*P. Ignatius probaret : Pater enim noster est,*  
*cui obedire nos oportet, nec ejus injussu vel*  
*pedem movere fas est.* Ex eadem observan-  
 tia, animiq; demissione profectum est, ut  
 sefe prorsus indignum reputaret, qui Fra-  
 tribus suis præesset ; uti patet ex ejusdem  
 Libri 5. Epist. 17. ad S. Patrem, Anno 1552.  
 Cocinò data : *Videat, inquit, quid agat*  
*tua sancta Charitas, dum tam sanctas animas*  
*Patrum, ac Fratrum Societatis, qui in his*  
*degunt regionibus, gubernationi mee subycis.*  
 Et post paulò addit : *Per studium, quo ar-*  
*denti flagras, obsequendi Deo Domino nostro,*  
*unam à te gratiam peto, quàm (si præsens*  
*essem)*

effem) positus humi, ante tuos sanctos pedes um a  
 genibus, supplex rogarem; ea autem est, ut liter  
 mittas huc Virum aliquem, Rectorem p̄fici- epigi  
 endum Collegio Goano, &c. Et revera eā Ignat  
 humilitate erat Xaverius, ut non solum SS. tio.  
 Eucharistiam flexis genibus distribueret; Ignat  
 sed eodem etiam ritu literas ad Ignatium, ex ij  
 exararet; id quod ex Epistolâ Anno 1549 cem  
 14. Januarij Cocinô ad Ignatium Romam unqu  
 data, est manifestum. Hæc ita habet: us.  
 Te ego, Pater animæ meæ, sum meq; mihi bene- stium  
 rande, positus humi genibus (sic enim hanc dit  
 Epistolam Tibi scribo, tanquam si præsentem mis  
 intuear) suppliciter oro, ne Deum pro me in suab  
 sanctis Sacrificijs tuis, ac precibus obsecrare liu  
 desistas: ut, dum vita suppeditat, sanctissima amp  
 voluntatis suæ mihi det & planè agnoscende, quib  
 & omninò exequende facultatem. Ubi I- tere  
 gnatium non aliter, quàm Sanctum, & cœ- pro  
 litem invocat Xaverius. Magnum est, in- Vir  
 quit D. Bernardus, honorata humilitas! & mat  
 hoc est, quod (in Lect. Off. de S. Xaverio,)  
 ponderâsse videtur Alexander VII. dum  
 ait: Et cum tam magna pro DEO ageret  
 Xaverius, erat eā humilitate, ut S. Ignatio  
 tunc Præposito suo, flexis genibus scriberet.  
 Noverat nimirum, & quidem non perfun-  
 ctorie, Ignatium Xaverius; in eoq; Sanctum,  
 & grandem Sanctum venerabatur: hinc e-  
 A  
 qui  
 mo

um adhuc viventem veluti canonizat, dum  
literis ad eum Cocinò scriptis hanc apponit  
epigraphen : *A my en Christo Santo Padre*  
*Ignatio : Meo in Christo Sancto Patri Igna-*  
*tio.* In quibus literis enumerat solatia ex  
Ignatij literis percepta ; potissimum verò  
ex ijs Ignatij uerbis, quæ ad literarum cal-  
cem adjecerat : *Totus tuus ; adeò, ut nullo*  
*unquam tempore obliuisci tui possim, Ignati-*  
*us.* Quæ uerba in sua epistola ponderat, æ-  
stimatq; Xaverius ; ac tandem ita conclu-  
dit : *Quæ ego, ut illis cum dulcissimis lacry-*  
*mis legi, ita & flens hic describo ; rebocans*  
*suabissimam memoriam temporis elapsi, & il-*  
*lius sinceri ac sancti amoris, quo me semper*  
*plexus, nunc quoque prosequeris, &c.* Ex  
quibus certè (ut plura breuitatis studiò præ-  
tereã) & tenerrima animorù coniunctio, &  
profundissima Xaverij submissio, & ingens  
Viri sanctissimi de Ignatij sanctitate æsti-  
matio satis liquet.

## C A P U T XIV.

### Morbus & obitus S. Xaverij.

**A**Nno tandem 1552. hic verè Sanctus &  
electus Dei, novarum Gentium Apostolus,  
qui pro animarum salute innumeros maxi-  
mosque labores, atque ærumnas perpeffus, in-  
gentia

gentia terrâ mariq; pericula subiit (Urbanus  
VIII.) mortuorum suscitacione, & prophetia  
gratiâ totò Orbe conspicuus (Alexander VII.)  
20 Novembris, in nova expeditione, quam  
zelò animarum impulsus pro annuntiando  
Chinis Christi Evangelio susceperat, pera-  
ctò pijsimè sanctò Missæ Sacrificiò, morti-  
ferâ febrî est prostratus; quâ magis, ma-  
gisq; in dies fractus, tandem die 2. Decem-  
bris, eâ ipsâ horâ, quâ Salvator mundi in  
cruce, exspiravit; gravissimis pro fide Catho-  
lica laboribus consummatus, (Martyrol: Ro-  
man:) prænuntiatio suò obitu, in Sanciano  
Chinartim Insula, paupere Lusitani casu  
exceptus, omniq; humano solatio destitutus,  
delicias suas IESUM ac MARIAM in-  
dentidem inclamans, in vulnera Christi  
crucifixi, (cujus effigiem tenebat manib9)  
intuebatur oculis, ore diffuaviabat; sanctâ  
animam exhalavit; & è terris in cœlum e-  
volavit; æternæ beatitudinis denarium ac-  
cepturus, pro quo in excolenda apud bar-  
baras illas Gentes Domini vineâ, totò de-  
cenniò, & mensibus aliquot indefessus ope-  
rarius laboravit. Illud unum agrè ferebat  
æger, naturali se morte extingui, omnibus-  
que votis expetitam Martyrij palmam sibi  
penè è manibus eripi. Quamvis & in hoc  
ad divinæ providentiæ rationes animam

suam



suum facile composuit, ubi se tam eximie  
 Dei beneficio indignum reputavit. Lusitani, ne tam pretiosus thesaurus in ignota  
 tellure inglorius delitesceret, sacra Francisci ossa secum in Lusitaniam revectori, de-  
 mortui cadaver vivam calce per multos menses bis obrutum, novum deinde miraculo penitus incorruptum, suavi odore, & recenti sanguine manans repererunt: quod ubi Malacam delatum est, Urbem illam a savissima peste liberavit. Quiescit nunc sacrum ejus corpus Goæ; ubi (quemadmodum & alibi) miraculorum multitudine, ac magnitudine omnium ad se rapit corda, & amores.

Illud nequaquam silentio premendum; diem, quo S. Xaverius obiit, fuisse Feriam VI morte Christi sanctificatam; porro omnibus ejusdem anni feriis sextis in Hispania, in paterna Francisci domo, Christi Crucifixi lignea effigies sanguinem sudare visa; ipso Xaverianæ mortis die sudorem cruentum reprimere cepit, nec amplius manare deinceps. eadem Crucifixi effigies per continuos decem annos Indico Apostolatu à Xaverio impensos, quoties is grave quid pateretur in Indijs, pariter sanguinem stillare consueverat; quasi vel laborum prænuntia, vel condolens Servi sui calamitati.

CAPUT

## CAPUT XV.

S. Xaverij Canonizatio, & annua  
Festivitas.

**Q**uoniam ergò ( ut loquitur Paulus V. Pont: Max: Anno 1619. *(multis & proximis virtutum, gratiarum, & miraculorum donis à Domino illustratus fuit Xaverius, & novis, iisque penè inauditis prodigijs indices coruscare pergebat, permoti sunt complures Imperatores, Reges, ac Principes, totâ Christianitate celeberrimi; Episcopi præterea ac Prælati Indiæ in Synodo congregati; ut apud Romanam Curiam ejus Canonizatio procuraretur. Nihil hac postulacione optatius accidere poterat Paulo V. Pont Max: quare mox instituti pro ejus Canonizatione processus: quæ tamen, Pauli V. morte interveniente, ad Gregorium XV, devoluta, totiùsque Christianitatis applausu perfecta est; qui Franciscum Xaverium, ubique terrarum nobis, maximisque fulgentem miraculis (Alexander VII.) unâ cum Ignatio, Philippo Nerio, Theresia, & Isidoro, Sanctorum fastis solenni ritu adscripsit, die 13. Martij, Anno 1622. Ad ejus honorem, ac venerationem, ut Pontifex Maxim: mortalium animos tantò amplius inflammaret, omnibus utriusq; sexus Christi-*

sti Fidelibus, qui ejusdem festo ritè expiati, & sacrosanctâ Eucharistiâ refecti, juxta consuetas intentiones pias ad Deum preces fuderint, plenarias omnium peccatorum indulgentias in perpetuum concessit Quâvis autem S. Xaverius 2. die Decembris obierit, ejus tamen festivitas Anno 1663. ab Alexandro VII. in 3. Decembris translata est. Ad quem diem in Martyrologio Romano idem Sanctissimus per totam Ecclesiam recitandum, apponi jussit Elogium sequens.

In Sanciano Sinarum Insula Sancti Francisci Xaverij è Societate IESV Indiarum Apostoli, multitudine Infidelium, quos convertit ad Christum, & magnitudine miraculorum, præsertim in suscitandis mortuis, & Spiritu Prophetiæ toto orbe conspicui, qui confectus laboribus, pro fide susceptis, plenus meritis obdormivit in Domino.

Ex hoc vitæ Xaverianæ Compendio facile apparet, quem honorem à toto Christiano Orbe jure sibi vendicet S. Franciscus Xaverius: quem (Urbani VIII. est oraculum)

lum) Deus ad eò magnificabit, ut nomen ipsius suo Ro  
 us honorabile fecerit apud omnes Gentes: 5.  
 quaque fiducia ad celeberrimum hunc San- stans e  
 ctum, ac Thaumaturgum recurrere possint rã plu  
 ij omnes, qui seu cum aliquo gravi morbo, ad duc  
 seu cum peste, seu cum alio quovis adversa sumpt  
 fortunæ casu conflictantur. 6.

## MOTIVA.

*Ad excitandam Devotionem in S. Franci-  
 scum Xaverium.*

1. **E**X Bulla Canonizationis, S. Xaverii ab us co  
 deò fuit divinâ incensus charitate, ut 7  
 vultu aliquando inflammatus Angelicâ prorsus (i  
 sus charitatem repræsenteret: nec divini agnific  
 moris perferre valens incendium, sapius ex apud  
 clamaret: SATIS EST, DOMINE! SATIS 8.  
 EST. Xaver

2. Hoc amore dignus effectus est, ut tie gr  
 multis & eximjs (verba sunt Pauli V.) vir- 9.  
 tutum, gratiarum, & miraculorum donis fu- lo: u  
 erit à Deo illustratus. get m

3. Ad proximum verò ita incendium 10  
 hoc se effudit, ut dixerit aliquando Grego- fiduci  
 rius XV. Xaverius nihil minus à magnis se- pluri  
 cit Apostolis. um fi

4. Nam, ut loquitur idem Gregorius: quod  
 Vnus Xaverius plures submisit Ecclesie, quàm aut d  
 140 Divin

ipfi suo Romani, Græcique iudiderint Imperio.  
 tes: 5. Unde gravissimorum virorum con-  
 San- stans est effatum: *Vnâ solus Xaverij ope-*  
 Tint- ra plures Gentium ad obile Christi esse,  
 rbo- adductos: quàm omnes Heresiarchæ simul  
 erfa- sumpti abduxerint.

6. Quare meritò Xaverium laudat Ur-  
 banus VIII. quod pro animarum salute in-  
 numeros, maximosque labores atque eru-  
 nci- mnas perpeffus, ingentia terrâ marique peri-  
 g- cula subivit. Cui addit Alexander VII. Xa-  
 verium gravissimis pro fide Catholica labori-  
 bus consumptum esse.

7. Quam ob causam S. Xaverium DE-  
 oror- US (ita loquitur Urbanus VIII.) adeò ma-  
 ni a- gnificabit, ut nomen ipsius honorabile fecerit  
 s ex- apud omnes gentes

ATIS 8. Nam (verba sunt Alexandri VII.)  
 Xaverius mortuorum fuscitatione, & Prophe-  
 e, u- tia gratia toto orbe est conspicuus.

9. Imò ejusdem Alexandri VII. oracu-  
 is fu- lo: ubique terrarum nobis, maximisque sul-  
 get miraculis Xaverius.

10. Deniq; ad magnam in hunc Sanctū  
 ium- fiduciam movere potest, experientia quam-  
 ego- plurimorum, qui sincerâ ad ejus patrocini-  
 nis se- tum fiduciam recurrerunt, aut eos obtinuisse,  
 rius: quod per hujus intercessionem petebant;  
 quàm aut dono tolerantie, & conformita- tis cum  
 140 Divina voluntate, fuisse remuneratos.

## DEVOTIONES VARIÆ

*Quæ honori S. Francisci Xaverij sci-  
cipi possunt.*

Cum observatum esset, tum annos, quibus D. Xaverius in excolendis Indiarum gentibus indefessè laboravit, fuisse omnino denos; tum diem ipsius obitus, quæ erat 2. Decembris eo anno 1552. fuisse feriam sextam; tum etiam Supremo vitæ ipsius anno Crucifixi Imaginem in domo paternâ quot diebus Veneris, usq; ad diem obitus sanguinem sudasse; nata est, & non solum in Italia, ac Regno Neapolitano, sed etiam in Germania, alijsq; locis magni multorum cum fructu, & animæ solatio usurpata devotio, decem ordine dies Veneris honori ipsius celebres obendi. Si quæ ergo vel necessitas adurgeat, vel singulari cujuscumque per intercessionem S. Xaverij obtinendæ gratiæ desiderium ad ejusmodi devotionem moveat, pauca quædam exercitia pia adnecto, quæ ferijs illis sextis, & decursu decem hebdomadarum usurpare possit.

1. Devotè confessionis, ac sacræ synaxeos Sacramenta obire.
2. Jejunio, aut aliâ leviori pro cujusque statu, ac posse, abstinencia corpus afflictare.
3. Ante Aram ipsius, aut iconem, quam

quisq;

quisq;  
confer  
Maria  
Oratio  
exigu  
ris spa  
ne, ve  
4  
rem p  
rare  
5.  
se, si  
elargi  
6.  
rem c  
pleru  
turba  
studic  
7-  
tam S  
xerci  
ment  
illius  
8  
gnâq  
lare.  
habé  
eti P  
beni

quisq; decenter in conclavi suo ornatam  
 conservabit, decem Pater noster, & Ave  
 Maria, & Gloria Patri, cum Antiphona &  
 Oratione infra scripta recitare. Nec res  
 exigui fructus esset, si quis aliquod tempo-  
 ris spatium in illius Virtutum meditatio-  
 ne, vel lectione vitæ ejus inspenderet.

4. Sacrum Missæ Sacrificium sal-  
 tem primo, & ultimo die Veneris fieri cu-  
 rare.

5. Stipem pauperibus pro cujusque pos-  
 se, si non corporalem, saltem spiritualem,  
 largiri.

6. Super omnia illo die ad Divi hono-  
 rem defectum aliquem specialem ex ijs, qui  
 plerumque solent magis animæ statum cõ-  
 turbare, & in via spiritûs officere, omni  
 studio, contentioneq; devitare.

7. Decursu illarum hebdomadùm, vi-  
 tam Sancti cum pijs præsentis opusculi e-  
 xercitijs, præsertim verò dicta, ac docu-  
 menta infra ponenda, & ad imitationem  
 illius excitantia, perlegere.

8. Postremò summâ cum fiducia, ma-  
 gnâq; resignatione optatam gratiam postu-  
 lare. Etenim ipsa experienciâ compertum  
 habemus, eos, qui cum fiducia se sub San-  
 cti Francisci Xaverij patrocinium recipiunt,  
 benignè exaudiri, ut saltem patientiam, &  
 robur

robur sese divinæ voluntati eonformari  
reciperet, si ea, quæ petunt, non con-  
quantur.

9. Ut se quis dignum tali grâtiâ red-  
re valeat, tollenda sunt omnia spiritalia  
profectus impedimenta, seriô devotio  
internâq; culturæ animi cum frequenti  
scussione conscientiæ insistendo.

10. Demum cum omni diligentia se  
proximorum auxilio impendere; ut qui  
juxta suum statum, in operibus misero-  
diæ corporalis, aut spiritualis ad S. Franc-  
sci Xaverij imitationem sese exerceat ore  
quæ pro conversione Gentilium, aliorum  
peccatorum, recitando devotè sequentem  
precatiunculam, quam ipse Sanctus fecit  
& frequenter solebat repetere.

**O** IESV Christe, Deus cordis mei, obsecro  
te per quinque illa vulnera, quæ tibi  
in Cruce nostri amor inflixit, famulis tuis  
subveni, quos pretioso Sanguine redemisti  
Turk. vitæ l. 5. c. 2.

*Oratio Ecclesiæ. de S. Xaverio.*

*Antiph.* Euge serve bone, & fidelis, quia in  
paucis fuisti fidelis, supra multa te consti-  
tuam, intra in gaudium Domini tui.

*Vers.* Justum deduxit Dominus per vias  
rectas.

*Resp.* Et ostendit illi Regnum Dei.

*Oremus.*



OREMUS.

**D**Eus, qui Indiarum Gentes Beati Francis prædicatione, & miraculis Ecclesiæ tuæ aggregare voluisti; concede propitius, ut cujus gloriosa merita veneramur, virtutum quoq; imitemur exempla. Per Dominum nostrum Iesum Christum, &c.

*Ordinaria pia opera honori S. Xaverij  
usurpanda.*

*SINGVLIS MENSIBVS.*

**O**pportunum fuerit singulis primis Ferijs Sextis cujuslibet mensis sacre Synaxi accumbere, ac jejunium ejusdem diei stabile offerre Deo cum dicta Communionem ad honorem S. Xaverij, & pro Animabus purgatorii, quæ peculiariter affici erga hunc Sanctum consueverunt (nisi ob certas causas sacra Communio in Dominicam proximè sequentem transferenda esset.) Proderit etiam minimum semel in mense Coronam Beatissimæ Virginis recitare, & sacro Missæ interesse, supplicando pro Gentiū, & peccatorum conversione, cui se, vitamque universam S. Xaverius impendit.

Ad memoriam annorum ætatis S. Xaverij rosarium 5. Decadum hoc modo contexere poteris, ut singulæ constent hac invocatione:

catione : *Sancte Francisce Xaveri ora pro  
me. decies repetitâ. singulas autem distin-*  
*guat sequens precatiluncula : Sancte Fran-*  
*cisce Xaveri, rogo te amore Dei, impetra mi-*  
*hi verum Dei amorem, & inter frequentes*  
*actus amoris Dei, mortem felicem.*

Demum Officium, & Litanix de Sancto  
Xaverio, quas vide infra sæpius decursu  
Mensis pro cujusq; devotione & opportuni-  
tate recitari poterunt,

*Singulis Hebdomadis.*

**F**eriâ Sextâ cujuslibet hebdomadæ con-  
ducet invisere Templum, aut Sacellum,  
vel saltem Altare S. Xaverio dedicatum,  
recitando eo in loco decies Pater noster, &  
Aue Maria, & decies Gloria Patri, &c. in  
memoriam annorū decem, quos pro salute  
proximi in Indijs S. Xaverius impendit,  
factaq; intentione orandi pro omnibus San-  
cti hujus Patroni honorem fideliter, ac so-  
licitè procurantibus.

Feriâ etiam sextâ, si opportunum fue-  
rit, recitari poterit Officium de Sancto, &  
omnia ex infra ponendis Litanijs.

*Singulis diebus.*

**C**ingulis diebus licebit cuivis ter devotè  
pronuntiare sequentia : *Sancte Franci-*  
*scæ Xaveri ora pro nobis, ut digni efficiamus*  
*promissi-*

*a promissionibus Christi.* Commodius fortè  
 distinetur ista dicere. Primò, cùm è lecto  
 surrexeris. Secundò vespere, priusquam de-  
 cumbas. Tertiò, horâ duodecimâ, quâ &  
 Christus, & Sanctus tuus Patronus objerat.

Præter orationem Ecclesiæ: *Deus, qui*  
*sancti Indiarum Gentes, &c.* suprâ positam, aliqua  
 ex infrâ ponēdis orationibꝯ, cum breviori-  
 bus de S. Xaverio Litanijis quotidie pro cu-  
 iusq; devotione utiliter recitari poterunt.



OFFICIUM

S. FRANCISCI  
 XAVERII,  
 SOCIETATIS IESU.

INVOCATIO.

FRANCISCE, Mundi Gloria,  
 Orbisque Lumen alterum:

IGNATIO quem proximum  
 Gradu secundo ponimus.

Audi Clientum carmina,

Quæ Mente gratâ pangimus:

Et ora te canentium

Aurâ favoris subleva.

C

Mens

Mens incalescat spiritu,  
 Illo incitata spiritu,  
 Quo tu flagrabas unice  
 Augere Christi gloriam.

Fac, ut medullas pectorum  
 Cœlestis intret gratia,  
 Quæ nos supernis sedibus  
 Terris solutos afferat.

Sit Trinitati Gloria,  
 Quæ per suum XAVERIUM  
 Utrumque Mundi cardinem  
 Novo replevit lumine, Amen.

AD MATVTINVM.

Domine labia mea aperies.  
 Et os meum annuntiabit laudem tuam.  
 Deus in adiutorium meum intende.  
 Domine ad adiuuandum me festina.

Gloria Patri, & Filio, &c.

H Y M N U S.

**I**N flore vitæ Xavier  
 Spretis honorum fascibus,  
 Spebusque stirpis Patriæ  
 Ad cœli amores vertitur.  
 Sacri calore Spiritus  
 DEO parata victima,  
 Ignatianis æstuans  
 Tocus liquefcit ignibus.  
 O vita JESU cordium!  
 Fac, ut caduca deserens,

Te, sorte quam concesseris,  
Mea mens requirat unicum!

*Antiph.* Egredere de domo tua, & de  
cognatione tua, & de domo Patris tui, &  
veni in terram, quam monstravero tibi,  
Gen: 12.

*Vers.* Inveni filium Jesse, virum secun-  
dum cor meum.

*Rasp.* Qui faciet omnes voluntates me-  
as. Actor, 13.

## O R E M U S.

**D**EUS, qui Evangelium Regni tui per  
barbaras Gentes, & reconditas natio-  
nes S. tui Francisci Xaverij prædicatione  
eminasti, & ejus sanctitatem innumeris  
actenus miraculis decorasti; concede qua-  
sumus, ut cujus memoriam agimus, etiam  
virtutes imitemur, Per Dominum, &c.

## A D L A V D E S.

Deus in adjutorium meum intende, &c.

## H Y M N U S.

**E**Xegit omnem laudibus  
Amoribusque Numinis  
Inter secunda & aspera  
Vitæ diem XAVERIUS.

Seu mane Sol assurgeret;  
Seu conderetur æquore;  
In ore DEUS infederat,  
In corde JESUS vixerat.

Mea, DEUS, & felicitas !

Fac ; ut ( quod olim gestio,  
Amare te perenniter )

Dum vivo totus ordiar !

*Antiph.* Quid mihi est in cœlo, & à te  
quid volui super terram ? Deus cordis mei  
& pars mea, Deus in æternum. Psal. 72.

*Vers.* Laudabit usq; ad mortem.

*Resp.* Anima mea Dominum, Eccl. 5

*Oratio ut supra.*

AD PRIMAM.

Deus in adiutorium meum intende, &c.

H Y M N U S.

**M**isertus orbis ultimi  
XAVERIUS caliginem,

Ab Occidentis finibus

Emergit instar Cynthij.

DEUM ferebat pectore,

Feris docendum gentibus;

Apostolus, deperditæ

Iterum, futurus Indiæ.

JESU salus mortalium !

Ita fac amare proximum,

Ut ab hoc amore Curia

Adaugeatur Cœlitum !

*Antiph.* Ite Angeli veloces ad gentes  
expectantem, & conculcatâ, cujus dirup-  
sunt flumina terram. Isa. 18,

*Verf.* Dedi te in lucem gentium,

*Resp.* Ut sis salus mea usque ad extremum terræ. Isaïæ 49.

*Oratio ut supra.*

AD TERTIAM.

Deus in adiutorium meum intende, &c.

HYMNUS.

**M**iraculorum gloriâ  
Apostolatûs infulis  
Et gentium præconijs  
Ubique magnus Xavier.

Suo tamen suffragio  
Postremus unus omnium  
Cujuslibet solatijs  
Se dedicat XAVERIUS.

**O** qui superba conteris  
JESU humilium sublimitas!  
Tuo ex amore despici  
Fac, ut frequenter expetam!

*Antiph.* Ante Dominum, qui elegit me,  
vilior fiam, plusquam factus sum, & ero  
humilis in oculis meis, & gloriosior appa-  
rebo, 2. Reg. 6.

*Verf.* Omnibus omnia factus sum.

*Resp.* Ut omnes facerem salvos. 1. Cor. 9.

*Oratio ut supra.*

AD SEXTAM.

Deus in adiutorium meum intende.

Domine ad adjuvandum, &c.

HYMNUS.

O Virginem XAVERIUM!  
 Et sanguinis caloribus,  
 Erroribusq; gentium,  
 Et somnijs superstitem!  
 Hinc castitas post funera  
 Vetuit malam putredinem  
 Intacta semper ipsana  
 XAVERII contingere.

O Diva JESU puritas!  
 O Matre nate Virgine!  
 Da labe sine, me consequi  
 Quâ ductor Agnus iveris.

*Antiph.* O quam pulchra est casta generatio cum claritate; Immortalis est enim memoria illius; quoniam apud Deum nota est, & apud homines. Sap. 4.

*Vers.* Hi sequuntur Agnum quocunq; jerit.

*Resp.* Sine macula enim sunt ante thronum Dei. Apoc. 14.

*Oratio ut supra.*

AD NONAM.

Deus in adiutorium meum intende, &c.

HYMNUS.

Vasta remotas India  
 Plagas obit XAVERIUS,  
 Lojola sed vel literâ  
 Si jusseris; revertitur.

Nec



Nec sol, ut ut promptissimus,  
Vel stare, vel recurrere  
Volente jussus Numine,  
Talis reforbet orbitam.

Exordientem Nominis  
Agnosco JESU literam :  
Opto per hanc cum legibus  
DEI placita decurrere !

*Ant. ph.* Audi fili mi disciplinam Patris  
tui, & ne dimittas legem Matris tuæ, ut  
addatur gratia capiti tuo, & torques collo  
tuo. Prov. 1.

*Vers.* In capite libri scriptum est de me.

*Resp.* Ut facerem voluntatem tuam De-  
us meus. Psal. 39.

*Oratio ut. suprâ.*

AD VESPERAS.

Deus in adiutorium meum intende. &c.

H T M N U S.

**C**Ecidère monstra Tartari,  
Idola pulsa gentium,  
Fide instituti Japones,  
Chinæ reclusa littora.

Vicena quæ & funera  
Et quinque vitæ reddita :  
Pulsis tot orbe pestibus  
FRANCISCE Numen evocat.

JESU laborum præmium,  
Mercede major maximâ

Conando quidquid gesserō :

Te, Te in coronam postulo.

*Antiph.* Cum ipso sum in tribulatione  
eripiam eum, & glorificabo eum : longitu-  
dine dierum replebo eum, & ostendam illi  
salutare meum. Psal. 90.

*Vers.* Nimis honorati sunt amici tui  
DEUS.

*Resp.* Nimis confortatus est principatus  
eorum. Psal. 138.

*Oratio ut supra.*

### AD COMPLETORIVM.

*Vers.* Convertte nos Deus salutaris noster.

*Resp.* Et averte iram tuam à nobis.

Deus in adiutorium. &c.

### H Y M N U S.

**F**RANCISCE jam cœlestium

Divis. recepte sedibus,

Dignare te colentium.

Piis adesse mentibus.

Omnem per orbem gloriae

Tuæ eriguntur symbola,

Per te impetratae gratiæ

Ubique stant insignia.

Eous, & Septemtrio,

Meridies, & Occidens,

Et iste, & ille plurimis

Tibi calet clientibus.

O per-

O perditorum temporum  
FRANCISCE spes amplissima.

Orbis Pater novissimi,  
Patrone, lux, Apostole.

Salve! tuoque lumine  
Tuos serena supplices:  
Fac mundus omnis ardeat  
Divini amoris Numine.

Fides ut una gentium:  
Fines inundet omnium:  
Ut una pax cœlestium  
Cor jungat & terrestrium.

*Antiph.* Hic est fratrum amator, & po-  
puli Israël, qui multum orat pro populo,  
& universa sancta Civitate. Mach. 2 cap. 15

*Vers.* Ora pro nobis S. Franciscæ Xaveri.

*Resp.* Ut digni efficiamur promissioni-  
bus Christi.

*Oratio ut supra.*

LITANIÆ  
A D  
S. FRANCISCUM  
XAVERIUM,

Q V A S

*Illustrissimus Dominus, D. F. Casparus de Vil-  
laroel, Episc. S. Jacobi Chilensis, & Regiæ  
Hispaniarum Majestatis à Consilijs, in hono-  
rem Sancti Francisci Xaverii, in hono-  
re inter vivos ex testamento  
sua sepultus salubri curaverit*

ex terra motu jam sepultus, saluus evaserit,  
gratitudinis ergo concinnabit ipse, & statim  
ex hato diebus recitabit; ac deinde in publi-  
cum aliorum bonum typis evulgabit.

**K** Kyrie eleison. **K** Kyrie eleison.

Kyrie eleison.

Christe audi nos. Christe exaudi nos.

Pater de caelis DEUS, Miserere nobis.

Fili Redemptor mundi DEUS, Miserere.

Spiritus Sancte DEUS, Miserere nobis.

Sancta TRINITAS unus DEUS, Miserere.

Sancta M A R I A, Ora pro nobis.

Sancta DEI Genitrix, Ora pro nobis.

Sancta Virgo Virginum, Ora pro nobis.

Sancte Pater I G N A T I, Ora pro nobis.

Sancte FRANCISCE X A V E R I, dignissi-

me, & dilectissime Fili S.P. Ignatij,

S. Franc: Xaveri Indiarum Apostole,

S. Franc: Xaveri Evangelizans pacem,

S. Franc: Xaveri Evangelizans bona,

Vas electionis portans nomen JESU co-

ram gentibus.

Vas redundans Divinae Charitatis,

Firmamentum Orientis Ecclesiae,

Propugnator Fidei,

Impugnator infidelitatis,

Pradicator Evangelicae veritatis,

Idolorum Destructor,

Ora pro nobis.

Ele.

Electum à Patre aeterno instrumentum  
propagandæ Divinæ gloriæ,  
Fidelis imitator, & Socie JESU Christi  
Filij D<sup>ni</sup>

Tuba resonans S. Spiritûs,  
Columna Templi Dei,  
Lux Paganorum,  
Magister Credentium,  
Speculum veræ pietatis,  
Dux in via virtutum, & Christianæ per-  
fectionis,  
Exemplar Apostolici Spiritûs, & sancti-  
tatis,

Lumen cæcorum,  
Pes claudorum,  
Auris surdorum,  
Auxiliator naufragantium,  
Salus ægrotantium,  
Fugator Daemonum,  
Suscitator mortuorum;  
Cujus potestati obediunt mare, & tem-  
pestates,  
Cujus imperia venerantur universa ele-  
menta,

Prodigiorum Thaumaturge,  
Refugium miserorum,  
Gaudium afflictorum,  
Orientis splendor,  
Pignus resurrectionis ad vitam gratiæ,  
& gloriæ,

Ora pro nobis.

Tabernaculum incorruptionis,  
Erarium Divini Amoris,  
Gloria Societatis J E S U,  
Legate Apostolicæ Romanæ Sedis,  
Pauperrime Xaveri,  
Castissime Xaveri,  
Obedientissime Xaveri,  
Humillime Xaveri,  
Crucis Christi, ac laborum pro Christo  
cupidissime Xaveri,  
In salutem proximi vigilantissime Xa-  
veri,  
Snavissime Xaveri,  
Gloriosissime Xaveri,  
Animarum & Divini honoris zelator ar-  
dentissime,  
Angele moribus, & vitâ,  
Patriarcha aff. ctu, & studio-curandi po-  
pulum Dei,  
Propheta dono, & Spiritu,  
Apostole dignitate, & merito,  
Doctor gentium potens in multifario  
sermone, & opere,  
Confessor virtute, & vitæ professione,  
Virgo anim.ô, & corpore,  
In quo uno Sanctorum omnium merita ex  
Divina benignitate veneramur, Ora  
pro nobis,  
Agnus Dei, qui tollis peccata mundi, Par-  
ce nobis Domine.  
Agnus

Ora pro nobis.

Agnus Dei, qui tollis peccata mundi, **E-**  
xaudi nos Domine.

Agnus Dei, qui tollis peccata mundi, Mi-  
serere nobis.

Christe audi nos. Christe exaudi nos.

Kyrie eleison. Christe eleison.

Kyrie eleison.

*Pater noster, &c.*

*Vers.* Ora pro nobis S. Franciscus Xaveri.

*Resps.* Ut digni efficiamur promissioni-  
bus Christi.

**O R E M V S.**

**D**EUS, qui glorificantes te glorificas, & in  
Sanctorum tuorum honoribus honoraris:  
concede propitius; ut, qui B. Francisci Xa-  
verij Confessoris tui gloriosa merita colim-  
us, ejus pia patrocina sentiamus. Per  
Dominum nostrum, &c.

**LITANIÆ BREVIORES,  
DE S. FRANCISCO XAVERIO.**

*Ex solis Summorum Pontificum oraculis.*

**K**rie eleison. Christe eleison. &c.

Christe audi nos. Christe exaudi nos.

S. FRANCISCE XAVERI, Ora pro nobis.

Apostolicæ S. Romanæ Sedis Nuntie, ora  
pro nobis, (*Paulus III. A. 1549.*)

S. Xaveri multis, & eximijs virtutum, gra-  
tiarum, & miraculorum donis à Domino il-  
lustrate, ora pro nobis. (*Paul. V. A. 1619.*)

S. Xaveri vir Cœlitibus magis similis, quàm  
mortalibus,

Christiani Imperij propugnator,  
Qui nihil minus à magnis fecisti Apo-  
stolis,

Qui plures submisisti Ecclesiæ, quàm  
suo Romani, Græciq̄ue subdiderint  
imperio,

Cujus ingenti animo angustus orbis ter-  
rarum fuit, (*Gregorius XV. A. 1622.*)

Gloriâ sanctitatis, & meritorum splendore  
præcipuè emicans,

Novarum gentium Apostolus unanimi  
totius Christiani orbis consensu me-  
ritò appellate,

Qui pro animarum salute innumeros,  
maximosque labores, atq̄; ærumnas  
perpeffus, ingentia terrâ, marique  
pericula subivisti,

Quem Deus ad eò magnificavit, ut no-  
men tuum honorabile sit apud om-  
nes gentes,

Verè Sanctus, & electus DEI. (*Urbanus  
VIII. A. 1623.*)

Mortuorum suscitatione, & Prophetiæ gra-  
tiâ toto orbe conspicue, ora pro nobis.

Gravissimis pro Fide Catholica laboribus  
consummate, Intercede pro nobis. (*Alexan. VII. A. 1663. in Martyrol. Rom.*)

Agnus Dei, qui tollis peccata, &c. ORA-

Ora pro nobis.

Ora pro nobis.



ORATIO AFFECTIVOSA.

Ad S. FRANCISCUM XAVERIVM,

In quacunq[ue] corporis aut animæ afflictione;

SANCTissime Pater Francisce Xaveri, qui  
 ex ore infantium & lactentium perficis  
 laudes tuas; humillimè obsecro humanissi-  
 mam charitatem tuam per sanguinem JE-  
 SV pretiosissimum, & per Immaculatam  
 Conceptionem Sanctissimæ Domine nostræ  
 MARIÆ, ut mihi ab infinita DEI bonita-  
 te, ( si me in hac mea afflictione diutius  
 permanere expedit ) impetres; ut eam ex  
 manu DEI susceptam, patientissimè perfe-  
 ram in honorem patientis Christi: sin me  
 summa DEI bonitas eâ liberum velit: Pro-  
 tector mi prodigiosissime, excita potenti-  
 am tuam, & veni; ut me ab afflictione hac  
 mea liberares, in manu forti, & in brachio  
 tuo excelso: ut nulli humano auxilio, sed  
 tuis apud JESVM; & MARIAM in-  
 tercessionibus mihi impetratam debeam e-  
 jusdem liberationem. Ecce Pater mi hu-  
 manissime ante Te omne desiderium meum,  
 & gemitus meus, à te non est absconditus,  
 Amen.



ORA

uam  
 Ora pro nobis.  
 ore  
 Ora pro nobis.  
 a-  
 s.  
 is

*Oratio à S. Xaverio composita, & ab eodem  
pro Gentiliis, Hereticorum, ac pecca-  
torum conversione sæpius usurpata.*

**A**terne rerum omnium effector Deus;  
memento abs te animas Infidelium,  
Hereticorum, & peccatorum procreatas,  
casque ad imaginem, & similitudinem tu-  
am conditas. Ecce Domine in opprobriū  
tuum, his ipsis infernus impletur. Memē-  
to JESUM Filium tuum, pro illorum sa-  
lute atrocissimam subiisse necem. Noli  
quæso Domine, ultra permittere, ut Filius  
tuus ab infidelibus contemnatur; sed pre-  
cibus Sanctorum Virorū, & Ecclesiæ San-  
ctissimi Filij tui Sponsæ placatus; recorda-  
re misericordiæ tuæ; & oblitus idolola-  
trix, & infidelitatis eorum, effice. ut ipsi  
quoq; agnoscant aliquando, quem misisti  
Dōminum JESUM Christum, qui est salus;  
vita & resurrectio nostra, per quem salvati,  
& liberati sumus; cui sit gloria per infinita  
sæcula sæculorum, Amen.

*Tursel. lib. 5. cap. 2.*

*Oratio S. Franc. Xaver. pro persecutoribus.*

*Tursel. vitæ l. 5. c. 6.*

**D**omine IESU Christe DEVS cordis  
mei, per acerbissimos mortis tuæ cru-  
ciatus obtestor te, ut intuearis tuas ipse  
cicatri-

03  
cicatrices & vulnera, quæ Patri tuo assidue  
pro nobis exhibes, eaque salubria esse velis  
omnibus persecutoribus nostris ut respi-  
scent.

### SUSPIRIA SINCERI AMORIS.

*Rhythmo Hispanico à S. Xaberio composita.*

**N**ec gaudiorum aternitas  
Promissa diligenti,  
Nec inferorum aternitas  
Parata negligenti,  
Nec illa me, nec ista me  
Amare Te coëgit;  
Te! qui cruenti stipitis  
Sublatus in theatrum  
Exemplar es pulcherrimi  
Et artifex Amoris.  
Ah! conspicio trabalibus  
Manus, pedesque clavis  
Fixumque pectus militis  
(Sed plus amoris) hastâ!  
Heu flagra, spinas, vulnera,  
Heu probra, sputa, fannas,  
Tandemque contemptissimam  
Pro me nocente mortem!  
Hæc una me dulcissimi  
Sinceritas Amoris;  
Hæc ô Amator optime!  
Amare Te coëgit.  
Si nulla nobis præmia  
Promitteres, Amarem:

Si

Si nulla nobis tartara  
Prædiceres, Amarem.  
Gratîque Te, semperque Te  
Amo DEUS, & amabo:  
Ut tu prior, gratîque me  
Amaveras, Amabo.  
Tantumque Te, quod OPTIMUS,  
DEUSQUE sis, Amabo.

*Aspirationes S. Francisci Xaverij inter diu  
familiares.*

**J**ESU Christe Fili Dei vivi, da hoc no-  
bis, ut te super omnia diligamus.

Da nobis Domine sanctissimæ volunta-  
tis tuæ perfectæ semper agnoscendæ, & ad  
splendæ gratiam.

Non nobis Domine, non nobis, sed No-  
mini tuo da gloriam.

Quis mihi det, ut ego moriar pro te, &  
cognoscant te omnes fines terræ!

Amplius Domine cruciari amplius!

DEVS cordis mei & pars mea DEVS  
in æternum.

Satis est Domine, Te si habeam, satis est.

*Aspirationes ejusdem inter dormiendum.*

*Tursel. l. 6. c. 5. & Rel: pro Canon: p. 19.*

Mi JESU! dulcis JESU!

O JESU bone! ô Creator mi

*Suspir*

*Suffiria S. Francisci Xaverij morientis.*

ESV Fili David miserere mei! Tu autem peccatorum meorum miserere!

Mater DEI memento mei!

JESUS! MARIA.

JESU, DEUS cordis mei!

*Lib. 5. cap. II.*

ost mortem apparuit S. XAVERIUS agro Mastrillo; eumque perfanans, hunc, sanctam crucem salutandi, modum docuit, in hac verba:

*A*VE Lignum Crucis; abe Crux pretiosissima; me totum tibi dedico in perpetuum.

A F F E C T U S  
A M A N T I S A N I M Æ,  
S. FRANCISCI XAVERII.

O DEUS! ego amo Te,  
Nec amo Te, ut salves me;  
Aut quia non amantes Te,  
Aeterno punis igne.

Tu, tu, mi JESU, totum me  
Amplexus es in Cruce;

Tulisti Clavos, Lanceam,  
Multamque Ignominiam  
Innumeros Dolores,  
Sudores, & angores,

Ac

Ac mortem : & hæc propter me,  
Ac pro me peccatore.

Cur igitur non amem te,

O JESU amantissime !

Non, ut in cælo salves me,

Aut nè in æternum damnes me,

Nec præmij ullius spe,

Sed sicut Tu amâsti me,

Sic amo , & amabo Te.

Solum quia Rex meus es ;

Et solum quia DEUS es. Amen.

*Hanc Orationem quicumque dixerit ante I-  
maginem S. Francisci Xaverij, toties In-  
dulgentiam 200. dierum lucrabitur.*

*Forma eligendi S. Franciscum Xaverium in  
Patronum.*

**S**Ancte , & gloriose Indiarum Apostole,  
Francisce Xaveri, ego N N. tuâ, quâ in  
omnes te invocantes benignus es, pietate  
invitatus ; te hodie in Patronum, & Advoca-  
tum eligo ; & corpus meum, & animam  
meam ; omnem spem meam, & consolati-  
onem meam ; omnes angustias, & misérias  
meas ; vitam, & finem vitæ meæ in finem  
tuæ charitatis commendo. Obsecro te igitur,  
suscipe me in clientem perpetuum, ad-  
sis mihi in omnibus actionibus meis, ut eæ  
ad omne beneplacitum DEI dirigantur.  
Amen.

*Formu-*

Form

O  
uni  
licet  
fretu  
inter  
proft  
indu  
eiden  
anni  
stia  
serio  
hum  
men  
Xav  
sequ

Doc

V  
stin  
foc  
mo  
aff  
for

*Formula, quâ se pia quadam anima S. Xaverio debet.*

**O**Mnipotens sempiterne DEUS, qui B. Franciscum Xaverium gratiâ sanitatû universo orbi celebrem effecisti: Ego N.N. licet Divino t.ao conspectu indignissimus, fretus tamen ejusdem S. Francisci Xaverij intercessione coram Divina tua Majestate, prostratus voveo me (quoad vita & sanitas indulserit) tertiam diem Decembris, quæ eidem S. Francisco Xaverio sacra est, quotannis confessione, & Sanctissimæ Eucharistiæ sumptione celebraturum. Accipe misericordissime DEUS indignissimî servi tui humile votum, & præsta; ut, quod meis meritis non valeo, id Sancti tui Francisci Xaverij patrocinio, & piâ intercessione assequar. Per Christû Dominû nostrum. A.

*Documenta vitæ benè instituendæ ex vita, & Epistolis S. Francisci Xaverij desumpta.*

I.

**V**incere seipsum, primum existimabat, maximeq; necessarium ad omnem sanctimoniam documentum. Unde non solû socios suos (ut ait Turf. vitæ lib. 6. c. 2.) admonerat, *ut semet parvis in rebus vincere, assuescerent, ita demum majorum certaminû fore victores: sed alios quoq; , quorum cu-*

ram

ram spiritualem suscipiebat, hortabatur affidue ad crebram sui victoriam circa iram, & sensuum delectationem: alioq; profecturus intimis suis hoc supremum relinquebat documentum: *Vince teipsum*. Agebat enim lib. 3. Ep. 4. *Se ab optimo parente nostro Ignatio sepius audivisse, spem & fiduciam divinam plerumq; dari ijs, qui seipsos omni ratione superare conantur*. Imò lib. 3. Ep. 4. & l. 1. Ep. 1. *Beatum esse, inquit, vivere quotidie moriendo, nostrasque frangendo voluntates*.

II. *Contra tentationes* muniendum propositis animum docebat. Ideo sui ordinis Religiosis suadebat, ut quotidie sub meditationem vota renovarent contra Dæmonis insidias. Turf. l. 6. c. 18. *Ad fortiter vero, & constanter contra eas pugnandum hoc præsertim motivum adhibebat, quod ex ipsa pugnâ liquidissima voluptas animi emergat*. In quem sensum scribit lib. 3. Ep. 5. *Bone Deus, non intelligunt homines, quantâ, quem liquida voluptate careant idcirco, quod minus fortiter dæmonis conatibus obsistant*.

III. *Detrimentum animæ* undequaq; præcavendum monebat. Ideo quod a S. Ignatio Parisijs didicerat, passim omnibus instillabat, ut quotidie per quartam horæ partem illam Christi sententiam expenderent:

*Quid*

*Quid*  
*Lucret*  
*atur*  
*sempe*  
*proae*  
*Ep. 3*  
*gerit*  
*vinan*  
*ejus*  
*anim*  
*preca*  
*Quid*  
*IV*  
*mon*  
*quæ*  
*enim*  
*iri.*  
*mum*  
*de vi*  
*sape*  
*virtu*  
*pori*  
*gita*  
*pude*  
*sarci*  
*Luce*  
*V.*  
*ranc*  
*fecta*



Quid prodest homini, si uniuersum mundum  
 lucretur, animæ uero suæ detrimentum pati-  
 atur? Ita scribit lib. 3. Ep. 5. Mementote  
 semper illam cælestis Magistræ Voc. m: Quid  
 prodest homini, &c. Et Regi Lusitaniæ l. 2,  
 Ep. 5. saluberrimum idem consilium sug-  
 gerit. Vt quotidie per quærantem hora di-  
 uinam hanc sententiam meditando, germanâ  
 ejus intelligentiam à DEO petat, cum sensu  
 animi interiore conjunctam; & simul omnium  
 precationum suarum illam velit esse clausulâ:  
 Quid prodest homini, &c.

IV. Attendendum sibi, crebra erat ejus  
 monitio; nec torpendum ad ea, quæ Deo,  
 quæ animæ, & conscientiæ debentur; ita  
 enim facilius ac promptius Deo seruitum,  
 iri. Idcirco mentem quotidie, mane mini-  
 mum, & uespere colligendam, & quidpiam  
 de vita Christi considerandum. Reputandū  
 saepe cum animo, quam quisque paruos in  
 virtute progressus fecerit, quantumq; tem-  
 poris contriverit. Nam qui hujusmodi co-  
 gitaciones suscipiunt, hos profecto, aiebat,  
 pudet, ac stimulis excitati ad detrimenta,  
 sarcienda animos ac vires recipiant, Ioan.  
 Lucen. in ejus vita.

V. Conscientiæ puritatem, magnopere cu-  
 randam semper suavit, tanquam in ea per-  
 fectæ vitæ cardo verteretur: ideo nunquam  
 decum-

decumbendum lecto, nisi prius benè excus-  
sâ conscientiâ, petitiâ à Deo erratorum ve-  
niâ, & firmato melioris vitæ proposito: ma-  
ne verò primam suscipiendam esse cogita-  
tionem de modo corrigendi pridiano exa-  
mine deprehensa peccata, & vitandi ea,  
quorum posset se occasio exhibere. Quod  
verbo suavit, firmavit exemplo, qui quoti-  
die sapius, & accuratè conscientiæ sinum  
excutebat. *Ioan: Luc: in vita.*

*VI. Mortis, ut optimæ rerum agendarum  
consultricis memoriam summis. & imis  
habendam docebat. Hanc liberè ingerebat  
Joanni III. Regi Lusit: lib: 5. Ep. 6. Postula à  
Deo Domino nostro, ut in hac vita det tibi  
gratiam sentiendi, & agendi id, quod in mor-  
tuo tue mortis gauderes te fecisse Et lib:  
5. Ep: 12. ad eundem: Decretorium aterni-  
tatis momentum citius aderit, quàm Maje-  
stas tua putet. Quare danda maturè opera,  
ut benè ad illud paratus occurras. Regna &  
principatus transeunt His nova succedet, &  
inopinatissima rerum facies, plane qualis ne  
cogitatione quidem, aut suspitione primâ  
Majestati tuæ unquam in mentem venerit.*

*VII. Ad teporem excutiendum hanc sug-  
gerebat cogitationem lib: 3. Ep. 5. Cogites,  
complures esse homines facinorosos, qui, si  
abstersâ superioris vitæ quasi fuligine, in eâ  
dem,*

dere, in qua tu es scholâ virtutis, divinitus collocarentur, non modo vitæ rationem commutarent, sed etiam te sedulitate, ac virtute, non sine tuo pudore, præcurrerent.

VIII. Ut sanctum nostri ipsorum, odium ac mortificationem persuaderet, ita scripsit lib: 2. Ep: 1. Sint ex ijs, qui à mundo, carne, diabolo injuriose tractati, suas pariter & Dei injurias ulcisci in semetipsis expectant. Hoc studio Christiani nomen sustinendum censebat Lib: 2. Ep: 12. Christianum est in cruce magis, quàm in quiete letari. Quandam in eo beatitudinis partem reperiebat lib: 1. Ep: 1. Crucis amatores, vitam ærumnis exercitiam beatam ducunt: Crucis autem fugam mortis instar putant.

IX. Humilitatem ita commendabat lib: 3. Epist: 5. Diligenter colite humilitatem, & summoquæ studio elaborate, ut aivina ope vos ipsos penitus cognoscatis. Nam sui cognitio nutritrix est divine fiduciæ, ac parens Christianæ humilitatis. Quippe ex nostri dffidentia Dei fiducia nascitur, que vera est, atque germana fiducia. Et ibidem acrius ad hanc virtutem incitat, dum ait: Multi nunc apud inferos cruciantur, qui, quod falsâ fallaciquæ sui opinione inflati, germanâ animi submissione vacarent, ad sempiternas illas pœnas sunt devoluti. Nemo autem omnino a-

72  
pud inferos est eorum, qui, cum bujus vite a-  
rumnis affligerentur, id egerunt, ut interiori  
re illa humilitate animum munirent suum.

X. Orationem, ut colebat ipse, & piacu-  
li loco ducebat inter tantas occupationes  
minimum de solitis pietatis exercitijs de-  
trahere, ita etiam alijs magnopere com-  
mendabat; imò & ijs addendum suadebat.  
Turfel. l. 6. c. 16, semper & ubiq; cum DEO  
agere visus, ad agendum cum Deo alios in-  
vitabat. Jaculatorias, quas vocamus, pre-  
ces & fundebat identidem, & teneram etia-  
am ætatem docebat. *Rel: Canoniz: Orlandi  
Hist: lib: 2. n. 22.* Ad MARIAM Matrem  
Dei tenero agebatur affectu, hujus inter-  
cessioni omnia committebat: *Quo facili-  
us impetrarem, inquit, Sanctissimam DEI  
Parentem adhibui Patronam, quæ cæli Regi-  
na, nullò negotio, quidquid orat Filium, exor-  
rat. lib: 2. Ep: 6.* Hanc vivens, hanc mor-  
tuus compellabat sæpius: *Monstra te esse  
Matrem: Mater DEI memento mei.* Vultu  
nera Christi frequentissimè pro conversio-  
ne infidelium & peccatorum adorabat.  
Turf. l. 5. c. 2. Animas in purgatorijs flammis  
agentes quotidie sub vespere precipi-  
bus juvandas monebat, l. 4. Ep. 19. Univer-  
sa vita Xaverij fervens & continua fuit or-  
atio; Diem in auxilio proximi tanquam

Apo.

Apo-  
ces

X

2. ep

nih

qua

imp

lubr

arb.

imp

defl

to,

X

hac

spor

dec

guit

go:

cul

cor

so.

est

mu

mn

bea

teri

pta

min

*Sita a* Apostolus noctem ut Anachoreta inter preces exigebat.

*nterio* XI. Ad obedientiam, ita exhortabatur I.  
*uum.* 2. ep. 1. *piacu* Credas mihi, tibiq; persuadeas velim,  
*tionis* nihil esse tutius, atq; ab omni errore remotius,  
*ijs de* quam semper optare sibi ab alijs imperari, &  
*e com* imperantibus ex animo obtēperare: contraq;  
*debat.* lubricum, ac periculosum esse negotiū, ad suū  
*n DEO* arbitrium vivere, omisso eorum, qui præsunt,  
*ios in* imperio. Nam ut, ab eo, quod præscribitur,  
*as, pre* deslectens rectē aliquid facias, tamē sic habeto,  
*am eti* in eo plus pravi esse, quam recti.

*Orland* XII. Virginitatem exemplo docuit. Pro  
*Matrem* hac non tantum vigil jejunijs, orationibus,  
*s inter* spontaneis sui verberibus, cilicijs & catenis  
*facili* decertavit, sed etiam dormiens usq; ad sanguinem  
*m DE* pugnavit. Vixit, ac mortuus est virgo: & quemadmodum erat animo immaculatus,  
*li Regi* ita corpore post vitam mansit incorruptus, odore suavissimo è lypsanis diffusio.  
*m, exo* Turfel: in ejus vita.

*te esse* XIII. Patientia exercendæ uti materia  
*s, Vul* est frequens, ita sit promptus animus. Stimulum à D. Xaverio accipe: *averflo* *orabat* *s flami* *precipi* *uiver* *fuit o* *nquam* *Apo.* *erumne,* omnia incommoda, si Dei causâ, sit par est, subeantur, profectò magna solatia sunt, & materia multarum, magnarumq; cælestium voluptatum. I. I. Ep. 1. Quod si quando cælesti Numini permissu exagiteris; atq; vexeris, tum

tibi persuade, aut virtutem tuam exerceri,  
aut vitia & delicta expiari. Ita vel meriti  
occasionem fieri, vel humilitatis. lib: 3. ep. 5.

XIV. Dilectionem proximi suadebat exē  
plo dilectionis Christi in homines. Ad  
hanc spectare aiebat, ut sensim feratur ac  
sine molestia, si quid in proximi moribus  
apparet intolerabile. *Lucen: in vita.* Con-  
versationem circumspectam esse volebat:  
*Moneo vos, inquit, ita cum amicis intimis  
agere, quasi ipsi futuri sint olim inimici ve-  
stri. Multum enim proderit hac animadver-  
sio. Lucen: in vit.* Inimicos oratione &  
beneficijs vincendos ita monebat: *Illud  
praclarum est ulciscendorum inimicorum ge-  
nus, ut eis & caeleste Numen placare, & be-  
nigne facere studeamus. lib: 4. ep. 12.* Leni-  
cum improbis agendum animo ita suade-  
bat: *Talem eis te praebeas, qualem bonus pa-  
ter improbis filijs, ut nunquam eu consulere  
desinas, quamvis cernas multis eos vitijs coo-  
pertos. Siquid in Deus ipse, etsi ab illis, &  
à nobis saepe lesus, non desistit tamen suis o-  
mnes beneficijs cumulare: cumq; perdere non  
suo jure posset, tamen pro sua clemen-ia in-  
nostris delictis saepius conivert, in difficult ut by  
subvenit, ut vincat in bono malum.*

XV. Voluntati DE! ut nostra confor-  
merur frequentissimum est in ejus epistolis  
docu-

documentum. lib: 1. Epistol. 1. *Sedulam,*  
 Deo, ut par est, navantes operam, ad ejus  
 nutum & voluntatem totos nos usquequa-  
 que conformemus. Rogandum aiebat Deū,  
 ut doceat nos facere voluntatem suam; sic  
 prorsus, ut quacunque requirit a nobis,  
 haud secus, quam ipse velit,  
 exequamur.

Ad Majorem DEI, gloriam, &  
 S. Francisci Xaverij  
 honorem,



Misereatur tui omnipotens Deus etc.  
Deinde, Elevatâ manuum peraget.  
Indulgentiam. Absolutionem etc.  
Dñs nŕ IESVS XVS te absolvat, et ego  
auctoritate ipsius, absolvo te ab omni  
vinculo excommunicationis, suspensionis  
et Interdicti, in quantum possum, et  
tu indiges. Deinde ego te absolvo a  
peccatis tuis. In nŕe Patris etc.  
Pŕŕio Dñi nŕi. gregorii xi. mariti L. M. L.  
finis et omni B. y. d. d. b. o. r. i. f. e. c. e. n. s.  
et mali suspitionis, sit tibi in reme-  
dium peccatorum, augmentum gradus  
pŕŕiorum vite et eterne. Amen.  

---

In absolutione Hæretici additur  
Ab omni vinculo excommunicationis  
quam pŕ h. e. r. e. s. i. m. incurristi, et  
strenuo te la communitis Ecclesie, et h. e. r. e. s. i. m.  
reversis fidelibus.





igo  
boi  
ion  
...  
...  
nl.  
is  
re  
l  
...  
...  
...  
...  
(ca

